


學海


五十二之四



内閣文庫			
函	冊	號	類
五	三	三〇〇六	漢書
八	架		

内閣文庫			
函	冊	號	類
三	七	三〇〇六	漢書
一	七		

内閣文庫			
番號	漢	3006	
冊數	80 (21)		
函號	367	85	



綴じ部(喉部分)の文字など開きが不鮮明な箇所あり


學海君道部卷之五十二
漢草文庫

世系類 五十一

列國譜系 三十一

吳封籍 吳之封爵略如魏制

同姓諸侯章



永寧侯孫綝武烈帝堅季弟靜之孫也靜初從兄起義及大帝統眾
時歷中 郎將卒有五子曷瑜皎奐謙曷三子綽超恭綽為安民都尉

卒綽生緄太平元年代峻執政遂殺丞相滕胤自以功封尋廢帝亮
而立休為帝是為景帝永安元年景帝誅之夷三族

景帝初封緄子恩據皆為縣侯幹闓皆為亭侯一門五侯皆典禁
兵權傾人主

富春侯孫峻靖孫恭之子也恭爲散騎侍郎卒大帝卒峻受遺輔政封都鄉侯既誅諸葛恪遷丞相進今封太平元年卒

丹陽侯胤靜第三子皎之子也皎爲征虜將軍卒大帝追錄其功封胤卒無子弟晞嗣領兵有罪自殺國除

咨彌儀皆胤弟官將軍封侯咨爲滕胤所殺儀爲峻所害

沙羨侯孫奐靜之第四子也黃武五年以功封嘉禾中卒子承嗣赤烏六年卒無子封承庶弟壹嗣奐後孫綝之亂壹遂奔魏魏封爲吳侯黃初三年爲下所殺

靜次子瑜瑜子曼位至將軍封侯

都亭侯孫賁武烈兄子武烈起義長沙賁去官從征伐後渡江定豫章封都亭侯領郡在官十一年卒子鄰嗣代領豫章進封都鄉侯在郡二十年召還赤烏十二年卒子苗嗣

都鄉侯孫松大帝弟翊之子翊爲丹陽太守爲下所殺松爲射聲校尉封

會稽公孫秀大帝弟匡之孫匡早卒子泰爲長水校尉從征中流矢死子秀爲前將軍夏口督後主皓忌之秀奔晉封皓改其姓曰厲吳亡降爲伏波將軍永寧中卒

建德侯孫韶伯父河本姓俞氏亦吳人也長沙桓王策愛之賜姓爲孫列之屬籍或云河長沙族子也出後姑俞氏後復姓孫河從征伐爲將軍孫翊之難河并遇害韶統父兵大帝爲吳王封赤烏四年卒

子越嗣

丹徒侯孫桓河次子也以破蜀漢功封

右大帝兄弟宗族封

吳侯英大帝宣太子登之次子登卒遺表立弟和為太子登長子璠
早卒英封吳侯五鳳元年謀誅孫峻事覺自殺國除

建昌侯慮登弟黃武七年封嘉禾元年卒無子國除

南陽王和慮弟赤烏四年宣太子登卒立和為太子魯王霸黨全寄
等構幽之大元二年封詳世系遣之長沙孫峻專國遣使賜死景帝

立封長子皓烏程侯皓入繼追贈謚曰文皇帝

錢塘侯德和次子景帝初封

永安侯謙和第三子景帝初封其後皓在武昌吳民施但劫謙將
至秣陵欲立之但兵敗被執皓醜之

魯王霸和同母弟赤烏四年封太元二年構廢太子霸亦賜死

吳侯基霸長子五鳳中封太平二年以罪免官皓立削爵土與祖
母謝姬俱徙會稽烏傷縣

宛陵侯壹次子五鳳中封皓立削徙同兄

齊王奮霸母弟太元二年封坐罪廢為庶人徙章安縣太平二年封
章安侯建衡二年後主以訛言誅奮及其五子

功臣諸侯章

婁文侯張昭彭城人少好學弱冠察孝廉不就刺史陶謙舉茂才不
應謙以為輕已質之趙昱救免漢末避亂南渡長沙桓王策創業命
昭為長史及大帝受魏封為吳王拜昭為綏遠將軍封由拳侯大帝
稱帝更拜輔吳將軍改今封食邑萬戶嘉禾五年卒年八十一長子
承已自封侯少子休嗣後以譖徙交州賜死

都鄉定侯張承昭長子以平寇功封都鄉侯赤烏七年卒子震嗣
坐諸葛恪誅亦死

樂鄉亭侯張奮昭弟子以功封

醴陵肅侯顧雍吳郡吳人從學於蔡伯喈州郡表薦漢獻帝建安中
初爲合肥長大帝以爲會稽太守大帝爲吳曲阿上虞皆有治迹大
帝領會稽太守不之郡以雍爲丞行太守事討除寇賊郡界寧靜數
年入爲左司馬大帝爲吳王遷尚書令封陽遂鄉侯黃武四年進今
封後爲丞相十九年赤烏六年卒年七十六長子邵早卒次子裕有
篤疾少子濟嗣無後絕永安元年復以裕嗣裕子榮入晉顯名

宛陵侯諸葛瑾琅琊陽都人

世系詳蜀漢武鄉侯亮條

漢末避亂江東弘咨見而

異之薦於大帝與魯肅等並見賓待後爲大帝長史從討關羽封宣

城侯黃武元年遷左將軍改今封大帝稱帝拜大將軍赤烏四年卒

長子恪已自封侯次子融嗣鎮公安坐恪誅飲藥而死三子皆誅

陽都侯諸葛恪瑾長子從中庶子遷左輔校尉以平丹陽山寇功

封都鄉侯大帝殂恪受遺輔政建興元年以破魏功進封陽都侯

明年爲孫峻所殺

孱陵侯呂蒙汝南富陂人少南渡依姊夫鄧當當爲長沙將蒙年十

五六隨當擊賊有功張昭薦之大帝屢從征伐數進奇計歷拜左護

軍漢昌太守代魯肅鎮陸口以禽關羽定荊州功封尋卒子霸嗣霸

卒兄琮嗣琮卒弟陸嗣

凡二世四侯

石城侯韓當遼西令支人便弓馬有膂力初從武烈長沙征伐有功

爲別部司馬後以中郎將與周瑜拒破曹操又與呂蒙襲取南郡破

蜀軍封都亭侯黃武二年以拒魏功進今封歷遷昭武將軍又加都督之號會病卒子綜嗣坐罪奔魏封廣陽侯從魏師來攻軍敗伏誅宣城侯蔣壹欽之子九江壽春人長沙之襲袁術欽隨從給事及長沙東渡拜別部司馬從征伐定江東大帝時拒魏蜀有功歷遷右護軍病卒封壹侯宣城領兵拒蜀有功還與魏戰沒無子弟休領兵後有罪失業

卮言曰韓當蔣欽其功同而子異一爲叛臣一爲忠臣叛者伏誅忠者未表吳之政疎矣

陵陽侯周泰九江下蔡人初與蔣欽俱隨孫策爲別部司馬常從征伐大帝時從破曹操平荊州拜平虜將軍封黃武中卒子邵領兵破魏有功未嗣卒弟承領兵嗣侯

蕪湖侯徐盛瑯琊莒人遭亂客居吳以勇氣聞大帝統事以爲別部司馬累功遷建武將軍封都亭侯領廬江太守拒曹休於洞口遷安東將軍進今封黃武中卒子楷嗣爵領兵

溧陽侯潘璋東郡發干人大帝爲陽羨長始往從之璋姓博蕩嗜酒居貧好賒酤倩家至門輒言後豪富相還大帝奇愛之遂以爲將討山賊有功署別司馬累遷偏將軍以擒關羽功封嘉禾三年卒子平以無行徙會稽妻居建業賜田宅復客五十家

安豐侯丁奉廬江安豐人少以驍勇爲小將從陸遜等征伐有功稍遷偏將軍廢主亮嗣位拜冠軍將軍封都亭侯太平元人大破魏兵進今封歷遷大司馬建衡三年奉以驕矜有毀之者後主徙奉家於

臨川

陳壽評曰程普以下諸將皆江表之虎臣孫氏之所厚待也以潘璋之不修權能忘功記過其保據東南宜哉陳表將家吏庶而與胄子名人比翼齊衡拔萃出類不亦美乎

江陵昭侯陸遜吳郡吳人世江東大族遜少孤隨從祖廬江太守康在官袁術與康有隙將攻康康遣遜及親戚還吳大帝為將軍遜年二十一始仕幕府歷屯田都尉大帝以兄策女配遜數訪世務以為帳下右督呂蒙薦以自代拜偏將軍代蒙鎮陸口既禽關羽定荊州進封婁侯黃武元年大破蜀兵於夷陵蜀主走死改今封尋與蜀連和還破魏軍曹休走死赤烏七年代顧雍為丞相仍鎮武昌見讓憤恚而卒長子廷早夭次子杭嗣後主皓時歷大司馬鎮樂鄉與晉將羊祜連和建衡三年以病上疏請簡兵以備西方遂卒子晏嗣天紀元年晉軍伐吳晏為王濬別軍所殺凡三世

毗陵侯陸景晏弟以尚公主封晉兵至景亦遇害

嘉興侯陸凱丞相遜族子黃武初為永興長歷遷建武校尉五鳳二年以討平山賊功封都鄉侯後主時歷拜大將軍都督巴丘進今封寶鼎元年遷左丞相建衡元年卒年七十二凱數犯顏忤旨皓常銜之凱子禕為太子庶子及陸杭卒竟徙凱家于建安

都亭侯陸胤凱弟赤烏十一年為交州刺史招降安南復討蒼梧賊破之永安元年徵為西陵督封卒子式嗣天冊元年與禕俱徙建安天紀二年召還建業復將軍侯

故鄣侯朱治丹楊故鄣人初為縣吏後察孝廉州辟從事隨武烈征伐討破董卓表為督軍校尉武烈卒又從長沙定江東治入據吳郡

領太守事長沙卒治與張昭等共尊立大帝佐定東南爲九真太守
黃武元年封毗陵侯二年拜安國將軍徙封故鄣三年卒凡在郡三
十一年子才嗣爵領兵卒子琬嗣爵爲將至鎮西將軍凡三世
當陽侯朱然治姊子也本姓施氏初治未有子以然爲嗣嘗與大帝
同書學結恩大帝統事以然爲餘姚長歷遷臨川太守討平山賊拜
偏將軍建安二十四年從平荊州封西安鄉侯代呂蒙鎮江陵黃武
元年從陸遜破蜀進封永安侯魏兵攻江陵然拒守改今封歷遷大
司馬赤烏十二年卒子績嗣歷大將軍鎮樂鄉初然爲治行喪竟乞
復本姓大帝不許績以五鳳中表還爲施氏孫峻之亂績密附于蜀
建衡二年卒

南昌侯呂範汝南細陽人少爲縣吏有容姿後避亂壽春長沙見而
異之範遂歸長沙從破廬江渡江定江東領宛陵令討破丹楊賊還
吳遷都督後與周瑜拒破曹操領彭澤太守屯柴桑大帝征關羽範
守建業及還都武昌封範宛陵侯領丹陽太守治建業督諸將拒曹
休於洞口改封南昌拜楊州牧黃武七年遷大司馬未拜卒長子先
卒次子據嗣太平元年伐魏聞孫綝執政引軍還欲廢之綝遣兵逆
於江都左右勸之降魏據曰恥爲叛臣遂自殺夷三族

卮言曰朱呂二子均憤權臣一甘爲叛臣而以善終一恥爲叛臣
而夷三族豈其爲將有仁暴耶

嘉興侯朱桓吳郡吳人也初爲大帝幕府除餘姚長以平賊功稍遷
裨將軍封新城亭侯後代周泰爲濡須督黃武元年魏曹仁來攻桓
破走之斬其二將進今封歷拜前將軍領青州牧赤烏元年卒子異

嗣太平二年假節爲大都督救壽春圍不解軍還爲孫綝所害

雲陽侯朱據吳郡吳人有姿貌膂力又能論難黃武初徵拜侍御史後領兵屯湖熟元龍元年尚公主拜左將軍封赤烏九年以護擁太子左遷新都丞大帝寢疾孫弘僞詔賜死廢帝亮時二子熊損各復領兵爲全公主所譖皆死永安中追錄前功以熊子宣嗣

山陰侯賀齊會稽山陰人賀氏本姓慶氏齊伯父純漢安帝時爲侍中避諱改焉父輔永寧長齊少爲郡吏守郟長長沙臨郡察齊孝廉以爲永寧長屢破山賊大帝時歷遷新都太守建安二十年從征合肥擁衛大帝二十一年又以平鄱陽賊拜安東將軍封出鎮江上拒破曹休於洞口遷後將軍假節領徐州牧後四年卒

番禺侯呂岱廣陵海陵人爲郡縣吏避亂南渡大帝統事岱詣幕府以征伐功歷出補餘姚長累功歷遷廬陵太守延康元年代步騭爲交州刺史封都鄉侯既定交州進今封黃龍三年召還歷大司馬太平元年卒年九十六子凱嗣

錢塘侯全琮吳郡錢塘人也父柔漢靈帝時舉孝廉補尚書郎右丞董卓之亂棄官歸州辟別駕從事拜會稽東部都尉長沙至吳舉兵先附大帝時歷桂陽太守琮以奮威校尉遷偏將軍屯牛渚疏陳關羽可討之計反禽羽封陽華亭侯黃武元年拒魏軍洞口斬其將尹盧進今封尚公主歷遷右大司馬左軍師赤烏十二年卒子懌嗣領兵救壽春出城降魏封臨湘侯懌兄子禕儀靜等亦降魏皆歷郡守列侯

瀏陽侯潘濬武陵漢壽人弱冠從宋仲子受學荊州牧劉表辟爲湘

鄉令劉備領荊州以為從事備入蜀典留州事大帝取荊州以禮致之使為治中拜中郎將討平樊伯遷奮武將軍封常遷亭侯大帝稱帝拜少府進今封赤烏二年卒子翥嗣代領兵早卒翥弟祕為尚書僕射

外黃侯濮陽興陳留人父逸漢末避亂江東官至長沙太守與少居士名大帝時除上虞令歷遷會稽太守景帝居會稽深與相結及嗣帝位徵為太常封拜為丞相景帝殂與張布廢適子立後主皓尋為皓所誅夷三族

都鄉侯是儀北海營陵人也本姓氏初為縣吏後仕郡郡相孔融嘲儀言氏字民為上可改為是乃遂改焉後依劉繇避亂江東繇軍敗儀徙會稽大帝徵典機密從定荊州拜裸將軍封都亭侯黃武中從劉邵破曹休于皖留鎮武昌進今封歷尚書僕射年八十一卒

都鄉侯胡綜汝南固始人少孤避難江東長沙領會稽太守綜年十四為門下循行留吳與大帝共讀書策卒大帝以綜為從事累功歷遷右部督與是儀徐詳俱典機密大帝為吳王皆封亭侯及稱帝進封鄉侯綜歷遷左執法赤烏六年卒子冲嗣歷中書令入晉為吳郡太守

都鄉侯徐詳吳郡烏程人功封與胡綜同早卒
都亭侯陳修武之子廬江松滋人初長沙在壽春武往修謁時年十八因從渡江征討有功後拜別部司馬及大帝統事轉督五校累功遷偏將軍建安三年從擊合肥戰沒大帝追錄其功封修都亭侯黃龍元年卒弟表武庶子也領兵得士心復封嘉禾中領新安都尉三

年以平鄱陽賊進封都鄉侯卒子敖領兵爲司馬卒修子延復爲司馬代敖延弟永將軍封侯

都亭侯凌烈統之子吳郡餘杭人統父操從長沙征伐有功大帝時從討黃祖射死統領父兵累立戰功從征合肥陷圍出大帝拜偏將軍卒年四十九二子烈封皆幼養官中及長追錄統功封烈侯還其故兵後烈有罪封復嗣爵領兵

都亭侯程咨普之子右北平土垠人普初爲州郡吏有容貌計略從武烈長沙征伐皆有功拜盪寇將軍長沙卒與張昭等共輔大帝從破曹操於烏林後代周瑜領南郡太守卒大帝稱帝追論普功封

關內侯黃柄蓋之子零陵泉陵蓋人少孤貧初爲郡吏察孝廉辟公府武烈舉義兵蓋從之討敗董卓拜蓋別部司馬又從長沙及大帝

征伐有功建安中隨周瑜攻曹操於赤壁建策火攻遂破操軍武烈太守討平山寇加偏將軍病卒大帝稱帝追論蓋功賜柄爵

關內侯周魴吳郡陽羨人少好學舉孝廉爲寧國長轉在懷安錢塘賊帥彭式以爲錢塘侯相旬月之間斬式首以功遷丹陽都尉黃武中計誘魏將曹休入皖因與陸遜大破之拜裨將軍賜爵

都鄉侯周胤瑜次子廬江舒人瑜從祖父景景子忠皆爲漢太尉父異洛陽令瑜長壯有姿貌初吳武烈帝堅興義兵討董卓徙家於舒長沙與瑜同年相友善遂從征伐定江東建安五年長沙卒大帝統事瑜以中護軍與張昭共掌衆事十二年爲前部大督破曹操於赤壁拜偏將軍領南郡太守鎮江陵病卒長子循早卒黃龍元年封胤都鄉侯後以罪徙廬陵郡赤烏二年卒

都亭侯魯淑肅之子臨淮東城人肅生而失父與祖母居家富於財時天下已亂肅不治家事大散財貨以賑窮結士為務周瑜與相親結定僑札之分袁術聞其名就署東城長肅見術無成會祖母卒遂奉母從周瑜渡江大帝與語悅之定計破曹操借劉備荊州瑜卒肅為漢昌太守代鎮江陵建安二十二年卒淑為遺腹子永安中封鳳凰三年卒子睦嗣

都鄉侯鍾離牧會稽山陰人漢魯相意七世孫少爰居永興躬自墾田種稻赤烏五年從郎中歷遷中書令出為監軍使者討平山寇封泰亭侯永安六年領武領太守討平五谿進今封卒子禕嗣爵領兵

恩澤侯章


高密侯滕胤北海劇人也伯父耽父胄與劉繇州里通家以世亂渡

軍大國始封之孫亦罷下軍其餘付以一軍為常大國中軍二千人上下軍各千五百人次國上軍二千人下軍千人其末之國大國置守士百人次國八十人小國六十人郡侯縣公亦如小國制度其仕在天朝者與之國同

宗室諸王章

安平獻王孚宣帝次弟魏時初賜爵關內侯進昌平亭侯長安縣侯長樂公武帝受禪泰始元年進今封邑萬戶八年卒貞世子邕先卒子崇為世孫又早夭崇弟穆王隆嗣無子國除

義陽成王望孚次子初出繼伯父朗魏時賜爵永安亭侯進安樂鄉侯武帝初進今封邑萬戶泰始七年卒長子奕早卒奕子奇嗣後坐罪貶三縱亭侯更以章武王威為嗣威誅更立奇為棘陽王



以嗣望

河間平王洪望子出繼叔父昌武亭侯遺武帝初進今封咸寧
二年卒子威嗣徙封章武威繼義陽更直弟混為嗣卒子滔復
嗣章武卒子休嗣從逆死弟珍嗣卒無子以河間王欽子範之
嗣卒子秀嗣義熙元年坐謀反誅

隋穆王整望子奕卒立為世子封清泉侯先望卒武帝以義陽
國一縣追封整為隋縣王卒子邁嗣以義陽之平林益邁為隋
郡王

竟陵王棼望子初封樂陵亭侯武帝初進今封東平王邑三千
九十七戶懷帝即位改封竟陵王洛陽陷沒為亂兵所害

太原成王輔子武帝受禪封渤海王邑五千二百七十戶後徙
今封太康五年卒子弘嗣元康中徙中丘三年卒子鐸嗣凡三世

南宮王承本安平世子邕之支子也孚第三子翼武帝未受禪而
卒後以承為嗣封

下邳獻王晃孚子魏封武始亭侯改封西安男武帝初進今封邑
五千一百七十戶咸寧六年卒長子褒早卒以太原王輔子鞞嗣

卒子韶嗣凡三世

太原烈王瓌孚子魏長樂亭侯改貴壽鄉侯又改固始子武帝初
進今封邑五千四百九十戶泰始十年卒子顥立徙封河間王趙
王倫篡位齊王冏謀討之遣使告顥顥初不從遣張方助倫後見
冏等兵盛乃從之倫既誅顥復興兵討冏殺之復與成都王穎謀
舉兵誅長沙王又遣張方入京城大掠以穎為大弟遷帝於長安

顯後爲南陽王模所殺并其三子詔以彭城王植子融嗣顯改封樂成縣王卒無子以彭城釋子欽嗣卒子曇之嗣卒子鎮國嗣高陽元王珪子魏高鄉侯改封滇陽子武帝初進今封邑五千五百七十戶泰始十年卒無子以太原王輔子哀王緝嗣卒無子以太原王瓌世子顯子訟嗣降封真定侯

常山孝王衡子魏德陽鄉侯改封汝陽子武帝初進今封邑三千七百九十戶薨子敦嗣卒無子以安平世子邕第四子敦嗣

沛順王景孚子魏樂安亭侯武帝初進今封邑三千四百戶咸寧元年卒子韜嗣

彭城穆王權宣帝弟熹之子也武帝受禪封邑二千九百戶咸寧元年卒子元王植嗣以討趙王倫憂卒增封萬五千戶子康王釋嗣分

魯國蕃薛二縣以益其國凡二萬三千戶卒子雄嗣坐奔蘇竣伏誅更以釋子紘嗣咸康八年卒子玄嗣卒子弘之嗣卒子崇之嗣卒子

緝之嗣宋受禪國除凡七世八王

高密文獻王泰宣帝弟武帝受禪封隴西王邑三千二百戶後改今封邑萬戶元康九年卒子孝王略嗣永嘉三年卒子據嗣卒無子以

彭城王子紘爲嗣其後紘歸宗立紘子恭王俊爲嗣卒子敬王純之嗣卒子恢之嗣宋受禪國除凡六世

東海孝獻王越泰次子以討楊駿功封五千戶侯更進今封食六縣長沙王乂旣敗帝西幸以越爲太傅與河間王顥共輔朝政越引兵奉帝還洛陽遂專朝政帝崩懷帝立委政於越所在寇亂上下崩離越以憂卒元帝以第三子冲爲越嗣卒無子成帝以少子

奕繼之哀帝徙奕琅邪王後立爲帝而東海無嗣安帝更以會稽王子彥璋爲東海王繼冲爲曾孫爲桓玄所害

南陽王模泰子初封平昌公永嘉初進今封歷官至征西大將軍代河間王顥鎮關中劉聰攻長安模敗降爲聰所害子保嗣據上

邽自爾晉王

詳餘分篇

新蔡武哀王騰泰子初封東瀛公永嘉初進今封遷車騎將軍鎮鄴羣盜李豐等攻鄴騰不能守爲豐所害長三子并死幼子莊王確嗣永嘉末爲石勒所害以汝南王祐子弼嗣卒無子又以弼弟邈嗣卒子晃嗣爲桓溫所廢孝武立更以晃弟崇嗣爲奴所害子

惠嗣

范陽康王綏宣帝弟武帝受禪封咸寧五年卒子虢嗣永興三年卒

齊子養模子黎爲嗣

濟南惠王遂宣帝弟恂之子仕魏關內侯進平昌亭侯武城鄉侯玉等建封祝阿伯武帝受禪進今封泰始二年卒子耽嗣徙中山卒無子弟緝立拒王浚戰沒

譙剛王遜宣帝弟進之子仕魏歷封涇陽男武帝受禪進今封邑四千四戶卒子定王隨嗣卒子邃嗣沒於石勒弟閔王承嗣王敦構逆圍承兵敗死之子烈王無忌嗣卒子敬王恬嗣太元十五年卒子忠王尚之爲桓玄所害安帝反正以尚之弟休之長子文思嗣爲劉裕所廢

凡七世九王

高陽王睦遜之弟武帝受禪封中山王邑五千二百戶後徙今封元康元年卒世子蔚早卒孫毅嗣永嘉中沒於石勒隆安元年以

譙王恬次子恢之子文深繼毅後五年卒無子復以高密王純之
子法蓮繼之 凡五世

任城景王陵宣帝弟通之子武帝受禪封北海王邑四千七百戶後
改今封咸寧五年卒子濟嗣隨東海王越在項為石勒所害

西河繆王斌陵子武帝受禪封陳王邑千七百一十戶後改今封
咸寧四年卒子隱嗣卒子香嗣 凡三世

右宣帝兄弟諸子孫封國

平原王幹宣帝子少以公子魏時封安陽亭侯進爵平陽鄉侯五等
建改封定陶伯武帝受禪進今封邑萬一千二百戶永嘉五年卒世
子廣早卒次子承大熙中封安德縣公遇難合門堙滅

琅邪武王佃宣帝子魏時歷封南皮伯武帝受禪封東莞郡王邑萬
六百戶後徙琅邪太康四年卒子恭王觀嗣太熙元年卒子睿嗣後

渡江即位是為元帝以皇子衷為琅邪王奉恭王祀早卒更立皇子
煥其日卒復立皇子昱後入繼是為簡文帝其後又立康帝哀帝廢
帝恭帝俱即帝位琅邪國除

武陵莊王澹佃子初以父功封亭侯進封東武公邑五千戶佃卒
分國進今封後為石勒所害子哀王喆嗣亦為石勒所害元帝以

皇子晞嗣

東安王繇佃子初封東安公以功進封郡王邑二萬戶後為成都
王穎所害無子以覲子長樂亭侯渾嗣尋卒

淮陵元王瓘佃子以預計趙王倫功封卒子貞王融嗣卒無子以
武陵王孫蘊嗣卒無子以臨川王寶子安之嗣宋受禪國除

清惠亭侯京宣帝子魏末以公子賜爵早卒

燕王機文帝子出後於京武帝受禪封邑六千六百六十三戶後增戶至二萬卒無子齊王罔表以子幾嗣後罔敗國除

扶風武王駿宣帝子魏時歷封東牟侯武帝受禪進封汝陰王邑萬戶後徙今封太康初卒子暢嗣改封順陽王

新野莊王歆駿子暢時請推恩分國封歆縣公後以預誅趙王倫功進今封邑二萬戶後爲賊張昌所害無子兄子劭嗣永嘉末沒於石勒

汝南文成王亮宣帝第四子魏時歷封和陽伯武帝受禪封扶風王邑萬戶咸寧中徙今封惠帝卽位楊駿誅爲太宰錄尚書事後爲賈后及楚王瑋所殺子懷王矩與亮同遇害子威王祐嗣咸和元年卒子恭王統嗣卒子義嗣卒子遵之嗣反誅弟楷之子蓮扶嗣宋受禪國除

西陽王羨亮子初封縣公惠帝時進封元帝渡江卽位拜侍中太保明帝崩受遺輔成帝後坐降蘇峻賜死國除

南頓王宗亮子初封縣侯尋進公以討劉喬進今封邑萬戶後渡江爲左將軍坐反誅

汝陽王熙亮子初封縣公以討劉喬功進今封永嘉末沒於石勒
趙王倫宣帝第九子魏時歷封東安子武帝卽位封琅邪郡王後徙趙惠帝時爲車騎將軍諂事賈后及后廢殺皇太子倫以兵廢后篡位齊王罔等討誅之

梁孝王彤宣帝子魏時歷封開平子武帝受禪進封邑五千三百五

十八戶後與趙王倫共廢賈后為太宰增封二萬戶永康二年卒無子以澹子懷王禧嗣後與澹俱沒於石勒元帝時以西陽王羨子瑒王惺嗣早卒而懷王子聲王翹自石氏歸得嗣卒無子以武陵王子璘嗣卒子珍之嗣後為劉裕所害凡六世

右宣帝子孫封國

齊獻王攸文帝子以景帝無子命為嗣武帝受禪封太康四年卒子武閔王罔嗣趙王倫篡位罔起兵誅倫惠帝反正拜大司馬河間王顒長沙王又舉兵殺之光熙初子超嗣及洛陽陷沒超兄弟皆沒於劉聰太元中以南頓王宗子柔之嗣為桓玄所害子建之嗣宋受禪國除

樂安王冰攸子封卒史無年月

濟陽王英攸子封卒史無年月

東萊王蕤攸子出繼遼東王定國後徙今封齊王罔既秉政蕤密謀廢罔坐廢死

廣漢冲王贊攸子繼廣漢殤王力康元年卒攸又以贊弟寔嗣改封北海王增邑滿二萬戶

城陽哀王肇文帝子早卒武帝受禪以皇十景度為肇後於是追加肇封諡景度卒復以第五子憲嗣哀王卒復封第六子祇為東海王為哀王後卒又封第十三子遐為清河王以繼哀王

遼東悼惠王定國肇子封

廣漢殤王廣德肇子封

樂安平王鑒文帝子初封泗水亭侯武帝踐阼進封咸寧初以齊之

梁鄒益封七年卒子殤王籍嗣無子齊王罔以子冰嗣後以濟陽萬一千二百一十九戶改爲廣陽國立冰爲廣陽王

樂平王延祚文帝子以篤疾不任封太康初封尋薨無子

右文帝子孫封國

楚隱王瑋武帝第五子初封始平王後徙楚楊駿誅賈后令瑋誅汝南王亮及太保衛瓘復以詔罪瑋殺之封子範爲襄陽王後爲石勒所害

長沙厲王乂武帝第六子太康十五年封趙王倫篡位乂與齊王罔等舉兵誅倫復攻罔而殺之河間王顥等以兵攻乂東海王越收乂送金墉城張方取而殺之永嘉中子碩嗣後沒於劉聰

成都王穎武帝第十六子太康末封邑十萬戶趙王倫篡位穎與齊王罔等以兵討誅之及罔敗穎鎮鄴遙執朝政憚長沙王乂與河間王顥等以兵犯京師執乂殺之廢太子覃以穎爲太弟穎僭侈無君陳彤等奉帝討之敗績後爲烏丸羯末等所襲奉帝奔長安河間王顥廢穎以豫章王爲皇太弟范陽王虓幽穎而殺之子遵年十餘歲東海王越遣人殺之永嘉中立東萊王蕤子遵爲華容王以嗣穎後沒於賊

秦獻王柬武帝子泰始六年封汝陽王咸寧初徙封南陽王太康十年徙今封邑八萬戶於時諸王封中土者皆五萬戶以東爲太子同產特加之是歲之國元康元年卒無子以兄子悼王郁嗣與允俱被害又以吳王晏子鄴嗣入篡帝位是爲愍帝國除

毗陵悼王軌武帝子二歲夭太康時追封以楚王瑋子義嗣

城陽懷王景武帝子出繼叔父城陽哀王肇泰始五年封六年卒無子

東海冲王祇武帝子泰始九年封懷王卒復以祇嗣肇其年卒

始平哀王裕武帝子咸寧三年封其年卒年七歲無子以兒子迪嗣改封漢王為倫所害

淮南忠壯王允武帝子初封濮陽王太康十年更今封之國趙王倫既廢賈后以允為太尉倫將篡允帥兵攻之為倫所害三子皆被害以吳王晏子祥嗣後為劉聰所害

代哀王演武帝子太康十年封少有廢疾不之國卒於宮中無子以穎子郭嗣改封中都王後與穎俱死

新都王該武帝子咸寧三年封太康四年卒時年十三國除

清河康王遐武帝子出繼叔父城陽哀王兆永康初卒子覃後直為皇太子河間王顥等舉兵脅遷復廢為清河王未幾被害弟籥嗣

豫章王詮遐三子封

廣川王端遐四子封

汝陰哀王謨武帝子早卒無後

吳敬王晏武帝子太康十年封食丹陽吳興并吳三郡洛京陷為石勒所害

濟南王固晏三子初封漢王後改今封

濟陰王衍晏五子初封新都後改今封

渤海殤王恢武帝子早卒追封謚

右武帝子孫封國

臨淮王臧惠帝愍懷太子次子也太子為賈后所殺長子幽死臧以永康元年封更立為太孫詳繼統類

襄陽王尚

右惠帝子孫封

通考曰按魏疎忌骨肉故武之子文之母弟不過食一縣且刻削遷徙殊無寧日幾不能以自存晉矯其弊受禪之初不特宣文之子孫畢王雖宣帝諸弟如孚如泰輩之子孫亦且同時俱封又許其自選官屬而王家人衣食御府別給之親親之意亦厚矣劉頌上疏言無成周之制蓋以其徒享封土而不治吏民有同郡縣此乃漢景武以後之法制然惠帝既立之後諸王或鎮雄藩或專國政廢賈誅趙猶運之掌則亦不可以言無事任矣而干戈相侵自相屠毒遂以覆國蓋晉之創業不以道而垂統非其人故天命不佑雖有磐石之宗適以基禍固難以周漢自詭也

琅邪孝王裒元帝子初出繼叔父長樂亭侯渾後徙封宣城郡公太興初進封琅邪王嗣恭王後改食會稽邑五萬二千戶建武元年卒子哀王安國嗣未踰年卒

東海王冲元帝子出繼東海王越以毗陵郡增本封邑萬戶又改食下邳蘭陵後又以滎陽益東海國咸康七年卒無子成帝以子奕嗣以道遠罷滎陽更以臨川郡益東海及哀帝以琅邪即位徙奕為琅邪王東海國闕無嗣奕後入篡桓溫廢之復為東海王既而貶為海西公東海國又闕安帝時更以會稽王次子彥璋為東海王繼哀王為曾孫改食吳興郡為桓玄所害國除

武陵王晞元帝子出繼武陵王喆後太興元年封咸和初以湘東增
武陵國後為桓溫所廢太元六年卒追改封新寧子忠敬王遵嗣義
熙四年卒子定王季度嗣卒子球之嗣宋興國除

琅邪悼王煥

右元帝子孫封國

臨川獻王郁簡文子年十七卒寧康初追封以武陵王曾孫寶為嗣
宋興降為西豐侯

會稽文孝王道子簡文子出後琅邪孝王年十歲封琅邪王食邑一
萬七千六百五十一戶攝會稽國五萬九千一百四十戶謝安卒道
子秉政及恭帝為琅邪王道子受封會稽國并宣城為五萬九千戶
安帝義熙五年桓玄反入京師道子遇害世子元顯軍敗為玄所執
并其六子皆害之及玄敗以臨川王寶子悼王脩之嗣卒無子國除

右簡文帝子封國

庾言曰晉室諸王之無後者雖甚幼殤亦必立嗣本宗絕則復紹
其封而又以旁支代立故帝子之出後甚多八王相殘血胤斬然
中興以後嗣續益艱此紹彼繼前遷後徙國系紛雜難得而指掌
云

功臣諸公侯章

睢陵

縣屬下邳

元公王祥琅邪臨沂人漢諫議大夫吉之後也祖仁青州

刺史父融公府辟不就祥性至孝早喪親繼母朱氏不慈數譖之由
是失愛於父母使婦除牛衣祥愈恭敬篤孝純至漢末遭亂扶母攜
弟覽避地廬江隱居三十餘年不應州縣之命徐州刺史呂虔檄為

別駕委以州事政化大行舉秀才除温令累遷大司農魏主髦嗣位

與定策功封關內侯從討母丘儉增邑四百戶遷太常封萬歲亭侯

魏主幸太學命祥為三老魏主被弑轉拜司空太尉加侍中及五等

建封睢陵侯武帝受禪拜太保進爵為公加置七官之職泰始五年

卒年八十五子孝公馥嗣拜上洛太守卒子根嗣凡三世

永世縣屬侯王俊祥庶長子肇之子也以太子舍人封

卽丘縣屬貞子王覽祥弟也孝友恭恪名亞於祥及祥仕進覽亦

應本郡之召稍遷司徒西曹掾清河太守五等建封卽丘子邑六

百戶歷遷光祿大夫咸寧四年卒年七十二

壽光縣屬成公鄭冲滎陽開封人起自寒微卓爾立操清恬寡慾耽

玩經史任真自守不要鄉曲之譽由是州郡久不加禮及魏文帝為

太子搜揚仄陋命冲為文學累遷尚書郎至光祿勳嘉平三年拜司

空俄轉司徒魏元帝嗣位拜太保封壽光侯及魏帝禪晉使冲奉策

武帝受禪拜太傅進爵為公泰始九年冲表致仕詔以公就第明年

卒無子以從子徽嗣官至平原內史卒子簡嗣凡三世

朗陵縣元公何曾陳國陽夏人父夔魏陽武亭侯詳前卷魏封篇曾少嗣父

爵魏文帝初為平原侯以曾為文學及代漢累遷黃門侍郎嘉平中

為司隸校尉魏主髦之廢也曾預其謀焉積年遷尚書正元中為鎮

北將軍都督河北諸軍事進封潁川鄉侯咸熙初拜司徒改封朗陵

侯武帝嗣晉王位以曾為晉丞相加侍中及受禪拜太尉進爵為公

食邑千八百戶泰始初進位太傅太宰咸寧四年卒年八十子康公

劭嗣歷位太宰永寧元年卒子岐嗣永嘉之末何氏滅亡無遺焉凡

樂陵郡武公石苞勃海南皮人雅曠有智局容儀偉麗不修小節縣
召為吏被使至鄴事久未決乃販鐵於鄴市市長趙元儒見而異之
由是知名司馬景王為魏大將軍以苞為中護軍司馬歷遷徐州刺
史司馬文王之敗於東關也苞獨全軍而還遷奮武將軍都督青州
從擊諸葛誕於壽春平之拜鎮東將軍封東光侯後為征東大將軍
遷驃騎將軍與陳騫等諷魏帝以禪位及武帝受禪遷太司馬進今
封加侍中後鎮撫淮南為帝所疑策免官以公還第復為司徒泰始
八年卒子統嗣歷位大鴻臚卒


安陽鄉侯石崇苞第六子年二十餘為修武令有能名歷遷城陽
太守伐吳有功封武帝咸寧六年累遷荊州刺史拜衛尉及賈謐誅

崇以黨與免官為趙王倫所殺母兄妻子無少長皆被害死者十
五人惠帝復辟詔封崇從孫演為樂陵公

石超苞第二子喬之子也喬以穢行徙頓丘與崇同被害超亡走
得免成都王穎之起義也以超為折衝將軍討孫秀以功封侯從

穎拒帝於蕩陰後為豫州刺史范陽王虓所誅

高平郡武公陳騫臨淮東陽人父矯魏司徒封東鄉侯騫起家尚書
即遷中山安平太守徵為相國司馬長史歷遷尚書封安國亭侯從
司馬文王平壽春進封廣陵侯遷都督荊州征南大將軍徙封矧武
帝受禪以佐命之勳進今封咸寧初歷遷大司馬致仕以公還第元
康二年卒年八十一子輿嗣官至侍中卒子植嗣官至散騎常侍卒
子粹嗣永嘉中遇害孝武帝復以騫玄孫紹封卒弟子浩之嗣宋受



禪國除 凡五世

鉅鹿郡元公裴秀河東聞喜人祖茂漢尚書令父潛魏尚書令封清

陽亭侯秀少好學有風操嗣父爵累遷散騎常侍從司馬文王平諸

葛誕進封魯陽鄉侯增邑千戶魏元帝芳六以豫議定策進爵縣侯

增邑七百戶遷為尚書僕射魏咸熙元年秀議封建五等於是封秀

濟川侯地方六十里邑千四百戶以高苑縣濟川墟為侯國武帝之

為世子也以秀言乃定武帝嗣王位拜尚書令及受禪進今封邑三

千戶拜司空泰始七年卒長子濬嗣官至散騎常侍早卒濬庶子憬

不慧別封高陽亭侯以濬少弟頽嗣遷尚書侍中賈后亂政頽與司

空張華等議廢之華等不能從趙王倫起兵誅賈后執頽害之惠帝

復辟諡曰成公子嵩嗣官至中書侍郎為乞活賊陳午所害 凡四世

武昌縣侯裴該頽次子初頽嗣父爵頽固讓不許惠帝即位頽論

述世勲賜憬爵高陽亭侯及頽以誅楊駿功當封武昌侯頽陳憬

本承嫡宜襲鉅鹿先帝恩旨辭不獲命武昌之封已之所蒙特請

以封憬帝不聽竟封該該時尚主故也該出後從伯凱為散騎常

侍亦為乞活賊陳午所害

臨海縣元侯裴楷秀從弟也父徽魏冀州刺史楷少與王戎齊名

鍾會薦於司馬文王辟相國掾遷尚書郎武帝受禪累遷散騎常

侍泰始中為侍中與山濤和嶠並以盛德居位楷子瓚娶楊駿女

然楷素輕駿與之不平駿執政轉為太子少師及駿誅楷以不阿

附封食邑二千戶歷侍中中書令卒子簡公輿嗣官至散騎侍郎

卒

蘭陵郡成公衛瓘河東安邑人高祖高漢明帝時以儒學自代郡徵至河東安邑卒因賜所亡地而葬之子孫遂家焉父覬魏尚書封闕鄉侯瓘嗣父爵弱冠爲魏尚書累遷散騎常侍廢帝芳初拜侍中以定議功增邑戶轉廷尉卿鄧艾鍾會之伐蜀也瓘爲監軍及滅蜀而艾會皆以逆誅瓘以功進封菑陽侯泰始初進爵爲公歷遷征北大將軍都督幽州刺史咸寧初徵拜尚書令歷遷太保惠帝初以瓘錄尚書事賈后使楚王瑋殺之瓘與子恒獄裔及孫等九人同被害時年七十二子瓘玠得免瑋誅追封瓘爲蘭陵郡公諡曰成恒爲蘭陵貞世子瓘嗣爵後東海王越以蘭陵益其國改封江夏郡公邑八千五百戶官至散騎侍郎永嘉五年沒於劉聰元帝以瓘玄孫崇嗣三世

初瓘以平蜀之勲以餘爵封弟寔開陽亭侯後在幽州以離間二虜功賜一子爲亭侯瓘乞以封弟未受命而亡子密受封爲亭侯瓘六男無爵悉讓二弟遠近稱之

博陵郡元公王沈太原晉陽人祖柔漢匈奴中郎將父機魏東郡太守沈少孤養於從叔司空昶好書善屬文大將軍曹爽辟爲掾歷遷侍中魏帝髦將攻司馬文王召沈及王業告之沈業馳白文王以功封安平侯邑二千戶沈既不忠於主甚爲衆論所排尋遷尚書出爲豫州刺史遷鎮南將軍五等初建進封博陵侯武帝受禪以佐命之勲錄尚書事加散騎常侍進封博陵郡公固讓不受乃封縣公邑千八百戶太始二年卒追封郡公子浚嗣太康初與諸王侯俱就國三年來朝除員外散騎侍郎後爲都督幽州刺史又以燕國增博陵之

封懷帝時歷司空大司馬侍中永嘉末浚自爲尚書令謀將僭號爲石勒所殺無子太元二年詔以沈從孫道素紹封卒子崇之嗣義熙十一年改封東莞郡公宋受禪國除

本傳曰沈卒帝追思沈勲詔沈以翼贊令勲當受郡公之封而固辭懇至嘉其讓德不奪其志可以郡公官屬送葬

庖言曰魏之諸侯多從魏武起自行間或參謀議始而列爵漢庭既而增封魏室豪傑之士固所羞稱至於晉初八公以下如王祥鄭冲王沈之輩皆以虛名致顯位事魏主者累世矣而又反君賣國爲晉元勳史稱其名行若有溢詞雖延世述後終不免負愧於

天壤也

京陵

縣屬

元公王渾太原晉陽人父昶魏司空封京陵侯

詳前章渾嗣

以顛兄玄孫序紹封卒又絕孝武帝復以序子恒嗣顛後恒卒子龍符嗣宋受禪國除

濟北

郡

成公荀勗潁川潁陰人漢司空爽曾孫也祖蜚射聲校尉父

盼早亡勗依於舅氏年十餘歲能屬文既長遂博學仕魏辟大將軍曹爽掾歷遷廷尉正司馬文王爲大將軍勗參軍以勗爲侍中封安陽子邑千戶武帝受禪進今封累遷秘書監尚書令時議以勗傾國害時孫資劉放之匹然性慎密有才思探得人主微旨不犯顏忤爭故得始終全其寵祿太康十年卒子簡公輯嗣官至衛尉卒子烈公峻嗣卒無嫡子以弟息識爲嗣

西華

縣

成公荀藩勗第二子元康中爲黃門侍郎以從討齊王冏

功封累遷尚書令永嘉末懷帝蒙塵藩立留臺奉愍帝爲太子建

興元年卒子靖公遂嗣東渡江元帝以為軍諮祭酒歷遷尚書卒子汪嗣

射陽縣定公荀閻藩第二子少與遂齊名為中書郎渡江為軍諮祭酒歷侍中尚書封大寧二年卒子達嗣

臨穎縣元公荀組勗子弱冠有才識初為司徒左西屬補太子舍人歷遷尚書轉衛尉賜爵成都縣男加特進光祿大夫懷帝蒙塵

組與藩奉立愍帝藩卒愍帝以組為司空行留臺事進今封加夫

人世子印綬明年進位太尉領豫州牧及愍帝蒙塵組乃勸進元帝加司徒為石勒所逼率眾渡江元帝以組錄尚書事永昌初卒子定公奕嗣官至散騎常侍咸和七年卒

魯郡武公賈克平陽襄陵人父逵魏豫州刺史封陽里亭侯克少孤

父爵辟大將軍曾爽椽爽誅隨例免起為懷令參司馬文王安東軍

事武帝受禪累遷徐州刺史泰始初增封邑千八百戶久之遷鎮許

昌擊吳將薛瑩破之遷安東將軍都督揚州諸軍事鎮壽春及大舉

伐吳渾率師出橫江所至皆降遂滅吳進爵為公定封八千戶徵拜

尚書左僕射歷遷司徒侍中錄尚書事元康七年卒年七十五長子

尚早亡次子濟嗣尚常山公主亦先渾卒濟庶子卓嗣渾爵拜給事

中

關內侯王尚渾子以渾破吳將薛瑩功封

亭侯王鄧渾子以渾平吳功封

關內侯王湛渾弟以渾平吳功封

藍田縣屬京兆侯王承渾弟湛之子也湛少嗣父爵累遷汝南內史元康

五年卒年四十七承弱冠知名永寧爲驃騎參軍遷司空從事中郎
豫迎大駕進今封遷東海太守尋去官渡江爲元帝鎮東府從事中
郎甚見優禮卒年四十六子述嗣累遷散騎常侍尚書令太和二年
卒年六十六子坦之弱冠有重名累遷散騎常侍以父憂去職嗣累
遷中書令徐兗青都督卒年四十六謚曰獻子愷嗣歷丹陽尹吳郡
內史

臨淮

縣

康公荀顛潁川魏太尉萬歲亭侯或之第六子也性至孝總

角知名博物洽聞思理周密魏時以父勲除中郎累遷侍中賜爵關
內侯以預討母丘儉功進封萬歲亭侯邑四百戶累遷司空進封鄉
侯咸熙初進封臨淮侯武帝受禪進爵爲公食邑千八百戶累遷太
尉泰始十年卒顛阿意苟合以此獲譏於世無子以從孫徽嗣卒中
居喪以孝聞嗣父爵爲侯拜尚書郎累遷汝郡典農中郎將參大將
軍軍事從司馬景王討母丘儉等以勞增邑三百五十戶司馬文王
爲大將軍充轉左長史使察諸葛誕充還白誕必反遂從征平之進
封宣陽鄉侯增邑千戶遷廷尉魏帝髦之攻相府也充率衆拒戰使
成濟弑之更封安陽增邑千三百戶五等初建進封臨沂侯爲晉元
勲深見寵異武帝之立爲世子充有力焉及嗣晉王位更封臨潁既
受禪充以建明大命轉尚書僕射進今封母柳氏爲魯國太夫人充
因荀勗納女爲太子妃累遷司空太尉咸寧三年更以沛國之公丘
益其封伐吳之役充爲使持節假黃鉞大都督吳平增邑八千戶太
康三年卒年六十六子黎民早卒追謚爲魯殤公充亡後充婦廣成
君郭槐以外孫韓謚爲黎民子奉充後嗣爵惠帝立槐女爲皇后亂

政及趙王倫廢后召謚斬之倫敗朝廷追述充勲議立其後欲以充從孫散騎侍郎衆爲嗣衆陽狂自免以子禿後充紹封又病死永興中復立充從曾孫湛爲魯公奉充後遭亂死國除

永平侯賈混充弟初嗣陽里亭侯篤厚自守無他才能太康中爲宗正卿歷加侍中進今封卒

平陽鄉成侯賈模充從子少有志尚爲充所信愛每事籌之起家邵陵令歷車騎司馬預誅楊駿功封邑千戶賈后專朝拜侍中模爲陳禍福賈后以爲毀已模以憂積成疾卒子遊嗣

新城亭侯賈暢充從孫以充平吳功分封

安陽亭侯賈蓋同前

鉅平郡成侯羊祐泰山南城人世吏二千石至祐九世並以清德聞祖續仕漢南陽太守父衡上黨太守祐蔡邕外孫年十二喪父事叔父耽甚謹及長博學能屬文舉上計吏州四辟從事秀才五府交命皆不就司馬文王爲大將軍辟祐未就公車徵拜中書侍郎俄遷黃門郎魏帝璜立賜爵關中侯邑百戶及五等建封鉅平子邑六百戶遷中領軍與荀勗共掌機密武帝受禪以佐命之勲拜散騎常侍進封郡公邑三千戶固讓不受乃進本爵爲侯置郎中令備九官之職加夫人印綬泰始初以祐都督荊州諸軍事出鎮南夏與吳將陸抗拍對使命交通增修德政吳人悅服咸寧初拜征南大將軍屢請伐吳而議者多不同其後詔以泰山之南武陽平南城梁父平陽五縣爲南城郡封祐爲南城侯置相與郡公同祐固讓許之咸寧二年卒後二歲而吳平祐無子帝以祐兄子篇爲鉅平侯奉祐嗣位至散騎

常侍早卒孝武太元中復以祐兄玄孫之子法興紹封邑五千戶以桓玄黨伏誅國除尚書祠部郎荀伯上表訟之曰蕭何爲漢世元功故絕世輒繼臣愚以爲鉅平之封宜同鄴國竟寢不報

關內侯蔡襲祐舅子祐討吳賊有功將進爵土乞以賜襲詔從之封邑三百戶

卮言曰羊叔子之德量足以善之人才無出其右者而無子惜哉

當陽縣成侯杜預京兆杜陵人祖畿魏尚書僕射封豐樂亭侯父恕

幽州刺史與司馬宣王不相能遂以幽死預久不得調預妻司馬文

王女也起家拜尚書嗣祖爵轉參相府軍事從鍾會平蜀增邑千一

百五十戶泰始中守河南尹歷拜度支尚書咸寧中羊祐薦以自代

祐卒預爲征南大將軍都督荊州襲吳西陵督張政大破之以功增

封三百六十五戶屢表請大舉伐吳許之太康元年預率兵攻克江

陵及吳平以功進今封增邑并前九千六百戶其後徵爲司隸校尉

加位特進行次鄧縣而卒子錫嗣官至尚書左丞卒子又嗣

亭侯杜耽預次子以預平吳功封千戶

壯武縣公張華范陽方城人父平魏漁陽太守華少孤貧自牧羊同

郡盧欽見而器之鄉人劉放亦奇其才以女妻焉華學博詞藻器識

弘曠郡守鮮于嗣薦爲太常博士盧欽言之於司馬文王歷遷長史

朝議表奏多見施用武帝受禪拜黃門侍郎賜爵關內侯遷中書令

太康初帝與羊祐謀伐吳惟華贊成其策及平吳以功封廣武縣侯

增邑萬戶出爲幽州都督馮沈讒之於帝徵爲太常免官終武帝之

世以列侯朝見惠帝卽位以華爲太子少傅歷遷侍中中書監司空

雖當暗主虐后之朝而海內晏然華之功也賈后雖凶妬而知敬重華久之論前後忠勲進今封趙王倫入廢賈后矯詔召華斬之太安二年詔復官爵子禕同時遇害禕子輿嗣華爵避難過江

祁縣成侯李熹上黨銅鞮人父佺漢大鴻臚熹少有高行徵辟俱不就後爲并州別駕司馬景王以大將軍輔政命熹爲從事中郎轉右長史從討母丘儉還遷御史中丞累遷司隸校尉及魏帝告禪於晉熹以本官行司徒事副太尉鄭冲奉策泰始初封歷拜特進光祿大夫以年老遜位卒子贊嗣

循陽縣元侯劉寔平原高唐人漢濟北惠王壽之後也父廣斥丘令寔少貧苦賣牛衣以自給然好學潔行郡察孝廉州舉秀才皆不行以計吏入洛調爲河南尹丞遷尚書郎後爲吏部郎參司馬文王相國軍事封循陽子泰始初進爵爲伯累遷少府咸寧中歷大司農以子罪坐免後起爲國子祭酒元康初進爵爲侯九年拜司空遷太子太傅太安初寔以老病遜位詔以侯就第懷帝卽位復授太尉三年又以侯就第卒年九十一

襄陽縣武侯王濬弘農湖人家世二千石濬博涉墳典美姿貌不修名行不爲鄉曲所稱晚乃變節恢廓有大志州郡辟河東從事後參羊祜征南軍事祜深知待之歷遷廣漢太守有惠政賊張弘陷益州以濬爲益州刺史討誅之以勲賜爵關內侯武帝謀伐吳詔濬修舟艦拜龍驤將軍及大舉伐吳太康元年濬發成都順流而下直抵秣陵吳主孫皓降以功進今封邑萬戶歷遷撫軍大將軍加特進散騎常侍太康六年卒年八十子矩嗣

列國譜系 卷三十四 二十二
楊鄉亭侯王彞濟子以濟平吳功封邑一千五百戶

密陵縣元侯鄭袤榮陽開封人高祖衆漢大司農父泰揚州刺史有

高名袤少孤早有識鑒隨叔父渾避難江東年十七乃還鄉里曹操

初封諸子爲侯精選賓友袤與徐幹俱爲文學魏文帝代漢袤累遷

尚書郎廣平太守司馬宣王輔政徵拜侍中以迎魏帝髦封廣昌亭

侯轉太常及魏帝璜立與議定策進封安成鄉侯邑千戶五等初建

封密陵伯武帝受禪進爵爲侯泰始中拜司空固辭許之以侯就第

九年卒年八十五子成侯默嗣歷位光祿勳太康元年卒年六十八

平壽縣元公鄭球默子自頓丘太守爲成都王右長史以討趙王

倫功封累遷尚書右僕射永嘉二年卒

安豐縣元侯王戎琅邪臨沂人祖雄幽州刺史父渾魏涼州刺史封

貞陵亭侯戎幼而穎悟神彩秀徹魏明帝見而奇之戎爲人短小任

率不修威儀善發談端賞其要會阮籍素與爲友渾卒戎嗣父爵辟

相國掾歷遷豫州刺史伐吳之役戎督大軍臨江斬其將孟泰吳平

進今封增戶邑六千戶徵爲侍中累遷吏部尚書與世浮沉戶調門

選而已進拜司徒尚書令惠帝西遷戎出奔於郊永興二年卒年七

十二子萬早卒有庶子興戎所不齒以從弟陽平太守愔子爲嗣

武陵縣侯王衍戎從弟也父又爲平北將軍衍神情明秀風姿詳雅

總角嘗造山濤濤曰何物老嫗生寧馨兒然誤天下蒼生者必此人

也泰始八年詔舉奇才可以安邊者衍初好論縱橫之術故尚書盧

欽舉爲遼東太守不就於是口不論世事惟雅咏玄虛而已後爲太

子舍人遷尚書令出補元城令入爲中庶子惠帝朝歷拜尚書令中

書令司空司徒雖居宰輔不以經國爲念而思自全之計說東海王越以弟澄爲荊州族弟敦爲青州刺史因謂二弟曰卿二人在外而吾留此足以爲三窟矣識者鄙之及石勒王彌寇京師以衍都督諸軍擊賊退之遷太尉封衍辭不受俄而軍敗爲石勒所殺

南鄉憲侯王澄衍弟生而警悟衍尤重之少歷顯仕累遷成都王穎從事中郎穎敗東海王越請爲司空長史以迎大駕勲封後爲荊州刺史杜弼杜曾之反澄所致也元帝徵爲諮軍祭酒爲王敦所殺

武陵縣康侯王廙衍族弟父正尚書郎廙少能屬文多所通涉辟太傅掾轉參軍豫迎大駕封拜尚書郎出爲濮陽太守元帝鎮江左廙棄郡過江以爲司馬豫討周馥杜弼以功累增封邑王敦啟爲荊州刺史在州誅戮大失人心徵拜左衛將軍及王敦之逆帝遣廙喻敦乃爲所留受任助逆敦以爲荊州刺史尋病卒帝猶以親故深痛愍之謚曰康子頤之嗣仕至東海內史

都亭肅侯王彬廙弟少彌雅正弱冠不就州郡之命後與兄廙俱渡江元帝引爲鎮東參軍豫討華軼功封累遷侍中從兄敦舉兵入石頭帝使彬勞之彬數敦罪逆敦以親故容忍之俄以爲豫章太守敦平徵拜度支尚書後以營造勲勞賜爵關內侯遷尚書右僕射卒長子彭之嗣位至黃門郎

成武縣屬濟陽侯周浚汝南安成人父裴少府卿浚性果烈以才理見知初不應州郡之命後仕魏爲尚書郎累遷揚州刺史封射陽侯隨王渾伐吳斬其丞相張悌吳平定今封食邑六千戶累遷侍中少府卿

顧將作大匠改營宗廟訖增邑五百戶後代王渾為揚州都督卒子康侯顓嗣累遷吏部尚書郎元帝鎮江左請為軍諮祭酒歷拜吏部尚書轉左僕射王敦反顓遇害敦平子烈侯閔嗣歷位吏部尚書左僕射卒無子以弟顧長子琳為嗣

西平縣屬汝南貞侯周謨浚第三子元帝時以兄顓故頻居顯職歷少府丹陽尹侍中中護軍封

永寧縣伯周馥浚從父弟祖宣父蕤安平太守馥起家諸王文學累遷河南尹東海王越以為中領軍出為揚州都督與周玘等討陳敏滅之以功封越憚馥直言稱馥舉兵襲檀命舉兵襲之馥奔於項為新蔡王確所拘以憂病卒

上庸縣屬荆州上庸郡襄侯唐彬魯國鄒人父臺泰山太守彬有經國大度而不拘行檢少便弓馬走及奔鹿晚乃敦悅經史初為郡門下掾轉主簿累遷別駕奉使詣相府計事司馬文王辟為鎧曹屬俄除尚書水部郎泰始初賜爵關內侯出補鄴令歷遷監巴東諸軍事從王濬平吳進今封食邑六千戶元康初累遷前將軍雍州刺史元康四年卒長子嗣官至廣陵太守

廣陵縣成侯李胤遼東襄平人祖敏漢河南太守父信為孝子胤少以孝聞容貌質素而智度沈邃初仕郡許彖州辟部從事治中舉孝廉參鎮北軍事入為吏部郎銓綜庶中賜爵關中侯出補安豐太守司馬文王引為大將軍從事中郎後為河南尹封廣陵伯泰始初進爵為侯歷拜司徒侍中尚書令太康三年卒長子固先胤卒固子志嗣官至陽平太守

大梁縣屬河南元侯盧儉范陽涿人祖植漢侍中父毓魏司空封大利亭

侯世以儒業顯欽清澹有遠識篤志經史舉孝廉不行魏大將軍曹

爽辟為椽除尚書郎爽誅免官後為侍御史嗣父爵司馬宣王為太

傅辟從事中郎累遷吏部尚書進今封武帝受禪以為平南將軍都

督河北加侍中咸寧四年卒子浮嗣

武疆縣侯盧志欽弟衛尉卿瑛之子也初辟公府掾尚書郎出為

鄴令成都王穎之鎮鄴也用為謀主及起兵誅趙王倫志以功封

穎表志為中書監參署相府事及惠帝敗於蕩陰志勸穎奉帝還

洛陽而穎不決志乃從帝還洛張方之亂志又從帝西至長安加

左將軍為魏郡太守隨穎北鎮而穎卒東海王越以志為衛尉丞

嘉末轉尚書洛陽沒志為劉粲所虜與次子謚詵等俱遇害長子

謹後二十年為石虎侍中遇冉閔之害

薛縣屬定侯武陵沛國竹邑人父周魏衛尉陔沉敏有器量早獲時

譽魏明帝時累遷下邳太守司馬景王為大將軍引為從事中郎累

遷太僕卿初封亭侯五等建進今封泰始初拜吏部尚書遷左僕射

陔自以無佐命之功又在魏已為大臣不得已而居位深懷遜讓終

始全潔卒於位子鋪嗣

昌國縣屬齊元侯任愷樂安博昌人父昊魏太常愷少有識量尚魏明

帝女累遷散騎常侍晉國建為侍中封泰始初遷太子少傅愷惡賈

充之為人竟為充所抑以憂卒年六十一子罕嗣

臨海縣屬楊州臨海郡侯史光東萊掖人幼有才悟受學於同縣劉夏舉孝

廉州辟別駕魏咸熙初為洛陽典中郎將賜爵關中侯泰始初以侍

中郎

中持節循省風俗還奏稱旨進今封後遷少府卒長子玄嗣官至玄
菟太守卒子施嗣官至東莞太守

奉高縣屬泰山壯侯馬隆東平平陸人少而智勇好立名節州署武猛從

事泰始中州舉隆不堪良將稍遷司馬督涼州陷沒乃以隆為武威

太守討樹機能斬之涼州遂平復拜平虜護軍西平太守討南虜成

奚破之太熙初封加授東羌校尉積十餘年威信振於隴右卒於官

子咸嗣後為長沙王又將兵戰沒

陰平縣屬陰平貞侯魯芝扶風郿人世有名德為西州豪族父為郭汜所

害芝緇縲流離年十七乃移居雍耽思墳籍郡舉上計吏州舉別駕

又舉孝廉除郎中累遷并州刺史以綏集有方遷大鴻臚魏主髦賜

爵關內侯邑二百戶母丘儉平隨例增邑二百戶拜荊州刺史從司

馬王平諸葛誕進封武平亭侯又增邑九百戶遷大尚書魏主璜

嗣位進封發城鄉侯又增邑八百戶遷青州刺史五等建改封陰平

伯武帝代魏拜鎮東將軍進爵為侯徵為特進光祿大夫泰始九年

卒

平春縣屬江夏烈侯胡威淮南壽春人父質以忠清著稱仕魏至征東將

軍荊州刺史威亦以清慎聞拜侍御史封南鄉侯累遷前將軍青州

刺史以功進今封太康元年卒子奕歷官平東將軍

新沓縣康伯山濤河內懷人父曜宛句令濤早孤居貧少有器量介

然不羣性好莊老每隱身自晦與嵇康阮籍為竹林之交年四十始

為郡功曹上計椽舉孝廉州辟部河南從事授傳而去濤與司馬景

王有中表親因見景王景王命司隸舉秀才除郎中累遷吏部郎司

馬文王為大將軍以濤為從事中郎文王西征鍾會使濤鎮郟咸熙
 初封新沓子轉相國左長史文王欲立齊王攸濤以為不可乃定武
 帝為太子武帝受禪以濤守大鴻臚泰始初進爵為伯累遷吏部尚
 書掌選十有餘年太康初遷侍中司徒太康四年與疾歸家卒年七
 十九子該嗣

縣屬觀陽

元公華廙平原高唐人祖父歆魏太尉封博平侯

詳魏封篇

表魏尚書咸熙初五等建封觀陽伯太始中歷遷太常卿咸寧元年
 卒諡曰康 廙少為武帝所禮歷位侍中遭父喪去任後為荀勗所
 構坐縣令袁毅罪累免為庶人不得嗣封子以表世孫當受封逃避
 陽狂故得不拜太康初大赦廙乃得嗣父爵累遷中書監惠帝即位
 加侍中尚書令進爵為公卒年七十五子混嗣官至侍中尚書卒子

陶嗣補鞏令沒於石勒

死陵

縣屬

敬侯華恒廙第二子尚武帝女滎陽長公主拜尉馬都

尉元康初賜爵關內侯食邑百戶累遷散騎常侍愍帝即位以恒
 為尚書進封死陵縣公頃之劉聰逼長安以恒領潁川太守未及
 西赴而長安陷沒恒棄郡東渡元帝以為衛將軍尋拜太常轉廷
 尉成帝即位加散騎常侍領國子祭酒咸和初以愍帝時賜爵進
 封一皆削除恒更以討王敦功封死陵縣侯遷左光祿大夫卒年
 六十九子俊嗣

樂鄉簡侯華嶠廙弟也才學深博少有令問司馬文王為大將軍
 辟為掾屬補尚書郎泰始初賜爵關內侯累遷侍中元康初封宣
 昌亭侯預誅楊駿改封樂鄉侯遷尚書轉秘書監元康三年卒子

頤嗣官至長樂內史

夏陽縣屬馮翊壯公胡奮安定臨涇人魏車騎將軍陰密侯遵之子也奮性開朗有籌略少好武車司馬宣王之伐遼東也以白衣侍從左右甚見接待還為校尉稍遷徐州刺史封夏陽子匈奴劉猛叛奮以監軍破賊功累遷散騎常侍都督荊州泰始末加鎮東大將軍卒追進爵謚

劇陽縣康公魏舒任城樊人少孤為外家甯氏所養姿望秀偉而遲

鈍質朴不為鄉親所重從叔父吏部郎衡使守水碓性好騎射著韋

衣入山澤以漁獵為事年四十餘郡上計椽察孝廉對策升第除灑

池長遷浚儀長入為尚書郎累遷後將軍鍾毓長史轉相國參軍封

劇陽子司馬文王深器重之武帝初出為冀州刺史在州三年以簡

惠稱入為侍中太康初拜右僕射進位司徒年老稱疾以劇陽子就

第太熙元年卒年八十二追進爵謚子混先舒卒以庶孫融嗣又早

卒從孫晃嗣

昌安縣屬城陽元侯石鑿樂陵厭次人出自寒素雅志公亮仕魏歷尚書

左丞御史中丞出為并州刺史武帝受禪封堂陽子入為司隸校尉

加特進右光祿大夫武帝崩鑿與張劭監統山陵進今封元康初為

太尉卒年八十餘子陋嗣歷屯騎校尉

清泉縣剛侯傅玄北地泥陽人祖燮漢漢陽太守父幹魏扶風太守

玄少孤貧博學善屬文郡上計吏再舉孝廉太尉辟皆不就州舉秀

才除郎中累遷弘農太守領典農校尉所居稱績五等建封鶉觚男

武帝受禪進爵為子加駙馬都尉歷遷侍中太僕泰始五年卒追封

清泉侯子貞侯咸嗣歷位司隸校尉元康四年卒子敷嗣永嘉之亂避地會稽元帝引為從事中郎卒

靈川縣公傅祇咸從弟也父嘏魏太常封陽鄉侯詳魏封篇祇性至孝

早知名武帝始建東宮起家太子舍人累遷散騎黃門郎賜爵關

內侯食邑三百戶累遷左軍將軍惠帝初拜侍中以討楊駿功當

封郡公八千戶固讓減半降封千八百戶懷帝時歷拜司徒及洛

陽陷沒衆共建行臺推祇為盟主祇以暴疾卒年六十九長子宣

為御史中丞先祇卒無子以弟暢子冲嗣為秘書丞沒於石勒勒

以為大將軍咸和九年卒

平陵簡男郭奕太原陽曲人少有重名山濤稱其高簡有雅量初為

野王令坐罪免官咸熙末為司馬文王相國王簿武帝受禪初建東

宮以奕為中庶子遷驍騎將軍封累遷尚書太康八年卒

右五等諸侯俱武帝以前封有列爵在魏朝而晉初進封者有始

封在魏朝而晉初嗣封者凡郡公四人縣公八人一追封郡公縣侯二

十一人一進封公伯二人一進封侯男一人共三十九人其武

帝以後封而隨父兄見者縣公三人縣侯二人鄉侯二人亭侯三

人伯一人關內侯不與

上谷郡屬幽州公孟觀渤海東光人少好讀書解天文惠帝即位稍遷殿

中中郎以受賈后旨誅楊駿功封遷黃門侍郎氏帥齊萬年反觀率

兵破擒之拜右將軍趙王倫篡位以觀監河北諸軍及倫誅惠帝復

辟斬觀夷三族

大陵縣屬太原元公溫羨太原祁人漢護羌校尉序之後也祖恢魏揚州

刺史父恭濟南太守羨少以朗悟見稱齊王攸辟為椽遷尚書郎惠
帝即位拜豫州刺史累遷吏部尚書書以從駕討成都王穎功封邑
千八百戶懷帝即位遷領司徒卒

成陽縣屬濟陽

公卞粹濟陰宛句人父統琅邪內史粹以清辯鑒察稱兄

弟六人並登宰輔世稱卞氏六龍惠帝初為尚書郎楊駿執政人多

附會而粹正直不阿及駿誅超拜右丞封成陽子張華之誅粹以華

壻免官齊王冏輔政起為侍中中書令進爵為公及長沙王又專權

粹立朝正色又忌而害之子壺弱冠有名州辟皆不就遇家禍還鄉

里永嘉中除著作郎嗣父爵及本州傾覆東依妻兄裴盾於徐州盾

以壺行廣陵相元帝鎮建業召為從事中郎明帝時累遷吏部尚書

以平王敦功更封建興縣公成帝時歷拜尚書蘇峻之亂壺領兵戰

沒峻平諡曰忠貞世子盼見父沒赴賊遇害

益陽縣屬衡陽

敬侯卞敦壺從父兄也父俊歷位廷尉卿敦弱冠仕州

郡辟司空府累遷尚書郎出為汝南內史王如杜曾之亂山簡以

敦監沔北諸軍討沔中平之加大都督討杜弢有功賜爵安陵亭

侯中興初公卿舉為徐州刺史徵拜大司農以鎮南將軍討平王

敦功進今封又復出為湘州刺史蘇峻之逆敦擁兵不赴國難峻

平徙廣州刺史以憂卒子滔嗣

臨湘縣屬長沙

公孫惠吳國富陽人吳豫章太守黃曾孫也父祖並仕吳

惠口訥好學有才識州辟不就寓居蕭沛之間永寧初赴齊王冏義

討趙王倫以功封晉興縣侯冏驕矜僭侈惠辭疾去及東海王越舉

兵下邳惠出見越以為參軍累遷廣武將軍安豐內史以迎大駕之

功進今封周馥敗死元帝用何銳爲安豐太守遂攻殺銳奔入蠻中尋病卒

新城郡元公劉弘沛國相人祖馥魏揚州刺史父靖鎮北將軍弘有幹略政事之才少家洛陽與武帝同居永安里又同年共研席以舊恩起家太子門大夫累遷太宰長史張華甚重之由是爲寧朔將軍假節監幽州諸軍事甚有威惠寇盜并迹爲幽朔所稱以勲德兼茂封宣城公太安中張昌作亂以弘爲荊州都督討昌平之進拜侍中鎮南大將軍永興三年進號車騎將軍東海王越西迎大駕弘遣其將督兵會之尋卒追進今封子璠嗣官至越騎校尉

永興中論弘平張昌功應封次子一人縣侯弘固讓許之

延陵縣屬廬江公高光陳留圉城人魏太尉柔之子也光少習家業明鍊刑理初以太子舍人累遷尚書郎出爲潁川太守元康中拜尚書趙王倫篡逆光守道貞全及齊王冏輔政復拜尚書後從駕討成都王穎有功封邑千八百戶懷帝卽位累遷尚書令卒

弋陽縣屬弋陽忠穆公嵇紹 人魏中散大夫康之子也十歲而孤事

母孝謹以父得罪靖居私門山濤領選啓于武帝起家爲秘書丞元康初累遷給事黃門侍郎時侍中賈謐求交於紹紹拒而不答及謐誅紹以不阿比凶族封弋陽子拜侍中蕩陰之戰紹以身衛帝死之追進爵爲公子矚早卒以從孫翰嗣封成帝時翰以無兄弟自表還本京太元中孝武復以翰孫爲弋陽侯

廣武縣愨侯劉琨中山魏昌人漢中山靖王勝之後也祖邁有經國之才爲相國參軍散騎常侍父蕃清高冲儉位至光祿大夫琨少得

雋朗之目與范陽祖約俱以雄豪著名年二十六為司隸從事趙王倫篡位以琨為冠軍拒義師而敗倫誅齊王冏輔政以其父兄皆有當時之望故特宥之拜尚書左丞范陽王虓鎮許昌引為司馬及惠帝西遷琨與虓斬石超走劉喬因統諸軍迎大駕於長安以功封邑二千戶永嘉元年為并州刺史累加司空都督幽冀并三州諸軍事元帝初又加侍中太尉為段碑所殺子姪四人俱遇害子羣嗣依段末波咸康中成帝詔徵之段氏留不遣及石虎滅遼西獲羣以為中書令至冉閔敗後羣遇害

定襄縣貞侯劉輿琨兄也初與琨並為趙王倫所委任累遷散騎常侍及齊王冏輔政拜中書郎侍郎范陽王虓鎮鄴以為魏郡太守虓卒東海王越以為左長史輿乃說琨鎮并州為越北面之重洛陽未敗輿病卒以先有功封子演嗣後自洛奔琨琨以為兖州刺史鎮廩丘與石勒戰敗走之元帝拜為都督後將軍後為石虎所害

西城縣侯何攀蜀郡郫人仕州為主簿王濬為益州辟為別駕濬伐吳詔以攀參軍事封關內侯累遷散騎侍郎惠帝初以預誅楊駿功進今封邑萬戶遷揚州刺史拜大司農

秣陵縣屬丹陽簡侯戴淵廣陵人祖烈吳左將軍父昌會稽太守淵少好遊俠不拘操行遇陸機赴洛船裝甚盛遂與其徒掠之機察見之知非常人遙謂之曰卿才器如此乃復作劫刑淵感悟因流涕投劔就之機言深加賞異遂與定交焉後舉孝廉入洛機薦之於趙王倫辟除沁水令不就後為東海王越軍諮祭酒出補豫章太守領義軍都督以討賊有功封累遷散騎侍郎元帝召為鎮東右司馬累遷征西

將軍六州都督王敦反入石頭淵遇害

長沙郡桓公陶侃本鄱陽人吳平徙家廬江之尋陽父丹吳揚武將

軍侃早孤貧為縣吏廬江太守張夔召為督郵顧樅陽令遷主簿察

孝廉至洛陽張華與語異之除郎中為武岡令棄官歸為郡小中正

荊州刺史劉弘辟為南蠻長史討賊張昌破之以功封東鄉侯邑千

戶弘以侃為江夏太守會兄子臻東歸元帝元帝命侃為武昌太守

累遷廣州刺史討王機杜弘斬之以功封柴桑侯食邑四千戶王敦

反詔以侃為湘州都督敦平遷都督荊州蘇峻之亂侃率兵討平之

進今封邑三千戶拜侍中太尉咸和七年卒子瞻先封補亭侯為蘇

峻所害謚愍悼世子以瞻弟夏為世子及送侃喪還長沙夏弟斌先

往長沙夏至殺斌庾亮上疏言其罪而夏病卒詔復以瞻子弘嗣侃

爵仕至光祿勳卒子綽之嗣卒子延壽嗣宋初降為吳昌侯五百戶

凡五世

郴縣屬桂陽伯陶旗侃第四子歷散騎侍郎封郴縣開國伯卒子定嗣

卒子襲之嗣卒子謙之嗣宋初國除

當陽亭肅侯陶臻侃兄子有勇略智謀從侃征伐以功賜爵咸和

中為南郡太守卒

于湖縣屬丹陽敬侯甘卓丹楊人秦丞相茂之後也曾祖寧為吳將封侯

祖述吳尚書父昌太子太傅吳亡卓退居自守郡命主簿功曹察孝

廉州舉秀才為吳王常侍討石水以功賜爵都亭侯東海王越引為

叅軍出補離狐令卓見天下大亂棄官東歸前至歷陽與陳敏相遇

遂從敏起兵叛尋與顧榮討敏滅之元帝初渡以卓為歷陽內史以

前後功進封南鄉侯遷湘州刺史進今封王敦之亂卓爲其黨所害
安陽鄉侯薛兼丹陽人祖綜仕吳爲尚書僕射父瑩有名吳朝入洛
爲散騎常侍兼清素有器宇少與紀瞻等齊名張華見而奇之察河
南孝廉辟公府累遷散騎常侍東海王越引爲參軍賜爵安陽亭侯
元帝爲安東將軍以爲軍諮祭酒稍遷丞相長史進今封歷拜尚書
明帝卽位加散騎常侍卒子顥先兼卒無嗣

嘉興

縣屬吳郡

元公顧榮吳國吳人爲南土著姓祖雍吳丞相父穆宜都

太守榮弱冠仕吳爲黃門侍郎吳平入洛例拜爲郎中趙王倫篡位
以榮爲其子虔長史倫誅榮坐免齊王冏召爲大司馬主簿遷中書
侍郎及冏誅榮以討葛旃功封嘉興伯以世亂還吳陳敏之反署爲
丹楊內史榮與甘卓等討敏滅之事平還吳元帝鎮江東以榮爲軍
司加散騎常侍凡所謀畫皆以諮焉永嘉六年卒謚曰元及帝爲晉
王追封爲公開國食邑千毗嗣官至散騎侍郎

平樂鄉侯閻纘巴西安漢人祖圖爲張魯功曹勸魯降魏封平樂鄉
侯父璞嗣爵仕吳至牂牁太守纘僑居河南新安父卒爲太傅楊駿
舍人轉安復令駿誅纘棄官歸河間王顥引爲西戎校尉司馬有功
纘封後爲漢中太守卒

安昌亭侯張輔南陽西鄂人漢河間相衡之後也少有幹局與從母
兄劉喬齊名初補藍田令不爲豪彊所屈轉山陽令擊殺豪橫累遷
尚書郎封出爲馮翊太守河間王顥以爲秦州刺史赴顥之難兵敗
爲帳下督富整所殺

安樂亭莊侯索靖敦煌人累世官族父湛北地太守靖少有逸羣之

量該博經史兼通內緯州辟別駕郡舉賢良方正對策高第拜駙馬都尉累遷酒泉太守惠帝即位賜爵關內侯及趙王倫篡位靖應三王義舉討孫秀有功歷遷後將軍太安末河間王顥舉兵回洛陽使靖領兵與賊戰大破之靖亦被傷而平追封

安昌鄉侯索聿靖第四子

上洛郡公索綝靖少子少有逸羣之量舉秀才除郎中歷好時長

安令在官有穢及成都王穎劫遷惠帝河間王顥使張方及綝東迎乘輿以功拜奮威將軍馮翊太守及懷帝蒙塵長安又陷綝走安定與賈疋等糾合義旅百戰破賊迎立愍帝以功封弋居伯遷前將軍及劉曜逼王城以綝為行東大將軍討破之以功進今封食邑禹戶後與帝俱出降劉聰以其不忠於本朝戮之東市

平陽郡屬太原

侯李矩平陽人童齒時與羣兒聚戲便為其率計畫指授

有成令量及長為吏送故縣令于長安梁王彤以為牙門伐氏齊萬年有殊功封東明亭侯還為本郡督護累遷滎陽太守擊石勒破走之元帝加矩冠軍將軍進封陽武縣侯劉粲攻洛陽矩遣兵擊走之元帝加其功拜安西將軍改封修武縣侯元帝稱帝于建業以為都督司州刺史更封平陽後為石勒所破率眾南走至魯陽墜馬卒安眾男劉喬南陽人其先漢宗室封安眾侯傳襲三代祖廙魏侍中父阜陳留相喬少為秘書郎王戎引為參軍累遷太子洗馬以誅楊駿功賜爵關中侯拜尚書右丞豫誅賈謐封累遷散騎常侍出為豫州刺史舉兵與范陽王虓東海王越等相攻卒年六十三

右惠帝時封凡郡公二人

其一

追封縣公五人

其一

追封縣侯四人縣伯一

人男一人鄉侯二人一進封亭侯四人一進封隨父縣公三人縣侯
四人鄉侯一人伯一人其封在後而今隨父見者郡公一人縣侯
一人

酒泉郡公賈疋武威人魏太尉魏壽肅侯詡之曾孫也少有志略器
望甚偉初辟公府遂歷顯職遷安定太守南陽王模以軍司謝班代
之疋奔瀘水與胡彭蕩仲及氐竇首結為兄弟聚眾攻班殺之愍帝
以疋為雍州刺史封邀擊劉曜大破之後為羣胡所襲敗歿

東平郡公苟晞河內山陽人少為司隸部從事校尉東海王越為侍
中引為通事令史累遷陽平太守其後范陽王虓承制以晞行兗州
刺史以破汲桑石勒等功進青兗都督封東平郡侯邑萬戶東海王
越秉政遷晞都督青州刺史進爵為公懷帝惡越專權乃詔晞舉兵

討越卒進晞為六州都督邑二萬戶京師陷沒晞屯倉垣立豫章
王端為太子置行臺徙屯蒙城石勒襲執之署為司馬月餘乃殺之
晞無子弟純亦遇害

平阿縣敬侯趙誘淮南人世以將顯州辟主簿值刺史郗隆被齊王
冏檄使起兵討趙王倫誘說隆率兵應之隆不能從誘還家杜門不
出王敦以為參軍與甘卓等共討華軼破之太興初復與卓攻杜弼
滅之累功封代陶侃為武昌太守杜曾之亂誘戰沒

都亭胡侯華譚廣陵人祖融吳左將軍錄尚書事父諳吳黃門郎譚
期歲而孤及長好學不倦爽慧有口辯為鄰里所重周浚引為從事
史太康中刺史嵇紹舉秀才譚至洛武帝親策之七科對擢上第除
郎中為鄆城令累遷廬江內史遣兵討平石冰之黨以功封食邑千

戶後爲揚州刺史劉陶所收下壽陽獄賴周馥得出建興初元帝命爲鎮東軍諮祭酒太興初拜前軍將軍久之加散騎常侍坐免卒於家長子化爲征虜司馬討汲桑戰沒幼子茂嗣

武昌縣孝烈侯虞潭會稽餘姚人吳縣都尉翻之孫也父忠仕至宜

都太守吳亡死節潭清貞有檢操州辟從事主簿舉秀才除醴陵令

張昌之亂潭起兵討斬之賜爵都亭侯又與諸軍共平陳敏進爵都

鄉侯元帝召補丞相軍諮祭酒累遷右衛將軍加散騎常侍成帝卽

位出爲吳興太守以討沈充功進封零陵縣侯又從陶侃平蘇峻以

前後功進今封邑一千六百戶歷拜侍中開府儀同三司卒年七十

九子乞嗣官至右將軍司馬卒子嘯父嗣歷會稽內史義熙初卒

右懷愍時封凡郡公二人縣侯一人亭侯二人一進封又遷父部

公一人縣公一人

馬氏通考曰按晉始分五等則侯之秩已不一又永熙初楊駿輔政普進封爵以求媚於衆議者以爲復於泰始革命之初及諸將平吳之功其後趙王倫旣誅賈后遂竊帝位在職者皆封侯廝役亦加以爵位金銀冶鑄不給於印故有白版之侯君子恥之則其所濫及者蓋不一勝道矣

平吳
 趙普
 公一人
 學海君道部卷之五十四
 世系類
 列國譜系
 晉封篇
 東晉功臣諸公侯章
 東晉皇子之封總系前篇宗室章此章惟錄功臣之世云
 始興郡在廣州文獻公王導光祿大夫卽丘子覽之孫也父裁鎮軍司馬
 導少有風鑒識量清遠初嗣祖爵後叅東海王越軍事時元帝爲琅
 邪王與導素相親善導知天下已亂遂傾心推奉會元帝出鎮下邳
 請導爲安東司馬軍謀密策知無不爲及徙鎮建康導勸帝剋已勵
 節收賢人君子與之圖事朝野傾心號爲仲父元帝爲晉王以導爲

學海君道部卷之五十四
 世系類
 列國譜系
 晉封篇
 東晉功臣諸公侯章
 東晉皇子之封總系前篇宗室章此章惟錄功臣之世云
 始興郡在廣州文獻公王導光祿大夫卽丘子覽之孫也父裁鎮軍司馬
 導少有風鑒識量清遠初嗣祖爵後叅東海王越軍事時元帝爲琅
 邪王與導素相親善導知天下已亂遂傾心推奉會元帝出鎮下邳
 請導爲安東司馬軍謀密策知無不爲及徙鎮建康導勸帝剋已勵
 節收賢人君子與之圖事朝野傾心號爲仲父元帝爲晉王以導爲

丞相軍諮祭酒累遷驃騎將軍都督中外諸軍事既即位以討華軼
 功封武岡侯進位侍中司空明帝即位導受遺詔輔政遷司徒王敦
 反帝假導節都督諸軍郭平進今封邑三千戶進位太保成帝時進
 太傅又拜丞相咸和五年卒子悅為中書侍郎先導卒謚曰貞世子
 悅無子以弟恬子混嗣歷丹陽尹卒子嘏嗣尚鄱陽公主歷中領軍
 尚書卒子恢嗣義熙末為游擊將軍凡四世

東亭獻穆侯王珣導孫也父洽為中書令卒珣弱冠為桓溫掾轉
 主簿從討袁真封

武岡縣侯王協導第四子初為撫軍將軍襲爵武岡侯早卒無子
 以弟劭子謚為嗣累官吳國內史桓玄篡位以為中書令封武昌
 縣開國公及劉裕平桓玄以謚舊職仍以本官加侍中義熙二年

卒謚文恭

武昌郡公王敦導從父兄也父基治書侍御史敦少有奇節尚武帝
 女襄城公主拜駙馬都尉除太子舍人累遷給事黃門侍郎趙王倫
 篡位敦叔父彥為兖州刺史倫遣敦慰勞之會諸王起義敦因勸彥
 起兵應之故彥遂立功惠帝復辟遷侍中出為青州刺史永嘉初徵
 為尚書監太傅東海王越以敦為揚州刺史元帝召為安東軍諮祭
 酒復以為揚州都督帝初鎮江東威名未著敦與從弟導同心翼戴
 以隆中興時人為之語曰王與馬共天下尋討華軼斬之又以滅杜
 弢功加都督六州諸軍事江州刺史封漢安侯敦始自選置兼統州
 郡焉永昌元年敦舉兵反王師敗績敦入石頭為丞相江州牧進今
 封還屯武昌明帝太寧元年移鎮姑孰自為揚州牧及敦疾下詔討

之敦復舉兵內向兵敗尋死初敦無子養兄含子應爲子及敗含父
子奔荊州王舒使人沉之于江

彭澤

縣屬豫章

穆侯王舒導從弟父會侍御史舒少爲敦所知以天下多

故逃名靜處潛心學植年四十餘州禮命太傅辟皆不就及敦爲青
州舒往依焉元帝鎮建康因與諸父兄弟俱渡江委質參鎮東宮事
出補溧陽令累遷廷尉太寧初王敦表舒爲荊州刺史及敦敗王含
父子俱奔舒舒遣軍逆之並沉于江進都督荊州徙會稽內史蘇峻
之亂以舒都督揚州遣子允之討賊將破之是時臨海諸縣並反應
賊陶侃表舒監浙東五郡軍事允之追賊於長塘湖復大破之賊平
舒以功封卒長子晏之蘇峻時爲參軍被害晏之子崑之嗣卒子陋
之嗣宋革命國除凡三世

忠侯士允之舒次子總角從伯敦謂爲似已恒以自隨

敦與允之謀逆時舒始拜廷尉允之求還定省文許之至都以敦

謀白舒舒卽與導俱啟明帝允之嘗隨父任及蘇峻反允之以討

賊有功封邑千六百戶咸康中累遷江州刺史卒年四十子晞之

嗣卒子肇之嗣

烏程

縣屬吳興

忠烈公周玘義興陽羨人祖魴吳郡太守父處少孤不

修細行後乃改節勵志好學仕吳爲東觀左丞吳亡入洛拜新之太

守累遷御史中丞將兵討氐賊齊萬年戰沒謚曰孝玘弱冠州郡命

不就累薦各宰府舉秀才除議郎太安初妖賊張昌等反別將石水

攻陷揚州玘討斬之徐揚並平陳敏反于揚州玘討禽之斬于建康

元帝初鎮江左以玘爲倉曹屬錢璿反于廣陵玘討斬之傳首建康

及國語卷三十五
三
玘三定江南開復王畧帝嘉其勲以玘為吳興太守封烏程縣侯帝
疑憚玘玘將有異謀遷軍諮祭酒進爵為公祿秩僚屬一同開國之
例玘以夏卒子勰嗣官至臨淮太守

東遷縣侯周札玘弟少以豪右自處州郡辟命皆不就察孝廉除郎
中累遷吳國上軍將軍以討錢璿功封漳浦亭侯元帝為丞相表札
為從事中郎遷吳興內史錄前後功進今封累遷散騎常侍王敦舉
兵攻石頭札開門應敦故王師敗績遷右將軍吳國內史為敦所殺
清流亭侯周懋玘弟靖之子封年事未詳為晉陵太守

武康縣侯周贊懋弟
都鄉侯周縉贊弟

札傳曰札一門五侯並居列位吳士貴盛莫與為比王敦深忌
之及敦疾錢鳳以周氏宗彊與沈克謀滅周氏敦使李恒告札
等謀逆盡殺札兄弟子又遣軍會稽襲札殺之

尋陽縣屬廬江壯侯周訪本汝南安成人漢末避地江南至訪四世吳平
因家廬江尋陽焉祖纂吳威遠將軍父敏左中郎將訪少為縣功曹
察孝廉除郎中上甲令皆不之官及元帝渡江命參鎮東軍事領兵
討華軼斬之遂平江州元帝以訪為尋陽太守又討杜弼破之王敦
表為豫章太守加征討都督封又以平魯功進安南將軍梁州刺史
太興三年卒子撫嗣

建城縣襄公周撫訪子初嗣父爵為王敦爪牙敦敗詔原其罪咸
和初王導以撫為從事中郎出為江夏相累遷益州刺史以破蜀
功進今封升平中進征西將軍在州三十餘年興寧三年卒子定

公楚嗣仍監梁益二州梁州司馬勳李高之亂俱討平之卒于位
子瓊嗣為梁州刺史卒子虓嗣為梓潼太守寧康初符堅將楊安
寇梓潼城陷被執不屈符堅徙之太原病卒凡四世
曲江縣男周光撫弟初王敦以為尋陽太守敦死光捕錢鳳詣闕
贖罪故得不廢從温嶠平蘇峻以功封卒

臨湘縣穆侯紀瞻丹陽秣陵人祖亮吳尚書令父陟光祿大夫瞻少
以直方知名吳平徙家歷陽郡察孝廉不行後舉秀才尚書郎太康
初州又舉寒素累遷松滋侯相太安中棄官歸家與顧榮等共誅陳
敏元帝引為鎮東長史以討周馥華軼功封都鄉侯督兵拒石勒進
今封元帝即位拜侍中歷尚書右僕射明帝即位加散騎常侍以疾
歸家卒論討王含功追封華容子降先爵二等長子景早卒景子友

品

初瞻以討王含功又封次子一人為亭侯

都鄉侯劉隗彭城人楚元王交之後也父砥東光令隗少有文翰起
家秘書郎稍遷彭城内史避亂渡江元帝以為從事中郎太興初累
遷侍中封出為青徐都督鎮泗口王敦反入石頭隗奔石勒為其太
子太傅卒子綏隨奔石氏卒孫波嗣波初為石虎將軍虎死波歸朝
穆帝以為襄城太守累遷散騎常侍卒子淡嗣仕終司隸校尉
永昌縣文康公庾亮武昌人明穆皇后之兄也父琛以后父封侯亮
年十六東海王越辟為掾不就隨父在會稽嶷然自守元帝為鎮東
時聞其名辟西曹掾甚器重之姊亮妹為皇太子妃轉丞相參軍預
討華軼功封都亭侯明帝即位累遷中書監督兵討錢鳳沈亮平之

進封永昌縣開國公固讓不受累遷司徒揚州刺史錄尚書尋咸和六年卒

廣饒縣男庾懌亮弟初以功曹除暨陽令累遷左衛將軍以討蘇峻功封累遷豫州刺史假節鎮蕪湖以罪自殺謚曰簡

新吳縣忠成侯庾冰亮弟亮以名德流訓冰以雅素垂風司辟不就徵秘書郎預討華軼功封都鄉侯累遷吳國內史以討平蘇峻

功進今封固讓不受康帝卽位歷拜車騎將軍領江州刺史假節鎮武昌卒

都鄉侯庾條冰弟初辟太宰累遷黃門郎封出爲臨川太守卒

都亭肅侯庾翼條弟初辟太尉陶侃府累遷邾城太守以全石城功封歷征西將軍江州都督永和元年卒

原鄉亭忠侯劉超琅邪臨沂人漢城陽景王章之後也章七世孫封臨沂慈侯子孫因家焉父和爲琅邪國上軍將軍超有志尚爲縣小吏稍遷琅邪國記室掾以忠謹清慎爲元帝所拔恒親侍左右遂從

渡江專掌文檄爲相府舍人以勤勞封食邑七百戶咸和中歷遷右衛將軍蘇峻之逆超被害

餘不亭貞侯孔愉會稽山陰人其先世居梁國會祖潛太子少傅漢末避地會稽因家焉祖竺吳豫章太守父恬湘東太守從兄侃太司

農俱有令名江左愉年十三而孤養祖母以孝聞吳平愉遷于洛惠帝末東還會稽入新安山中改姓孫氏以稼穡讀書爲務信著隣里

後忽捨去莫知所在元帝建興初始出應召爲丞相掾參軍事時年已五十矣預討華軼功封愉嘗行經餘不亭見籠龜於路者愉買而

放之溪中龜中流左顧者數四及是鑄侯印而印龜在顧三鑄如初
印工以告愉乃悟遂佩焉歷尚書僕射出爲會稽內史咸康八年卒
子閭嗣位至建安太守卒子靜嗣位至尚書左僕射

晉安縣男孔坦愉從子也祖冲丹楊太守父侃大司農坦少方直
善屬文元帝爲晉皇補太子舍人咸和初歷遷尚書左丞以計平
蘇峻遷吳興內史封咸康中加侍中散騎常侍卒謚曰簡子混嗣
卮言曰通考以永安伯丁潭爲孔愉從子沉大誤

咸康亭侯謝鯤陳國陽夏人祖續典農中郎將父衡以儒素顯仕至
國子祭酒鯤少知名通簡有高識不修威儀好老易王衍嵇紹並竒
之太傅東海王越聞其名辟爲掾任達不拘尋坐罪除名越更辟之
轉參軍事鯤以時多故乃謝病去職避地豫章左將軍王敦引爲長
史以討杜弼功封敦舉兵反逼與俱下鯤時進正言敦不能用出爲
豫章太守卒子尚嗣累遷尚書僕射鎮西將軍豫冀四州都督升平
初徵拜衛將軍加散騎常侍卒無子從弟弈以子康嗣爵早卒康弟
靜復以子肅嗣又無子靜子虔以子靈祐繼鯤後凡四世

裒中

縣屬漢中

壯公王遜魏興人仕郡察孝廉爲吏部令史累遷魏興太

守惠帝末西南夷叛永嘉四年以遜爲寧州刺史威行寧土諸夷振
服又遣子澄奉表勸進於元帝元帝嘉之累加散騎常侍封在州十
四年卒州人復立遜中子堅行州府事詔以堅爲寧州刺史太寧末
陶侃懼堅不能抗蜀表徵還京病卒兄澄嗣爵歷魏興太守散騎常
侍

丹陽

丹陽屬

侯張闔丹楊人吳婁侯昭之玄孫也少孤有志操太常薛

兼進之於元帝引為安東參軍元帝為晉王以佐翼勳封遷侍中明
帝時以平蘇峻功加散騎常侍封宜陽伯拜金紫光祿大夫卒子混

嗣

江陵縣屬南郡穆公陸曄吳郡吳人伯父喜吳吏部尚書父英高平相員

外散騎常侍曄少有雅望後察孝廉除永世烏江二縣令皆不就元

帝初鎮江左辟為祭酒預討華軼功封平望亭侯累遷侍中明帝初

以平錢鳳功進封江陵伯成帝初以顧命錄尚書事以平蘇峻勳進

爵為公咸和中求歸鄉里卒年七十四子謚嗣官至散騎常侍

新康縣子陸嘏曄次子以父平蘇峻功封

興平縣康伯陸玩曄弟器量淹雅弱冠有美名郡檄紀綱東海王

越辟為掾皆不就元帝引為丞相參軍累遷尚書左僕射及蘇峻

反玩與兄曄俱守宮城玩潛說匡術歸順以功封累遷侍中尉卒

子始嗣歷侍中尚書

建安縣屬建安敬伯諸葛恢琅邪楊都人祖誕魏司空為司馬文王所誅

父靚青吳為大司馬吳平逃竄不出武帝與靚有舊因就見之以為

侍中固辭不拜恢弱冠知名試守卽丘長轉臨沂令值天下大亂避

地江左名亞王導庾亮元帝為安東將軍以恢為主簿再遷江寧令

討周馥有功封博陵亭侯累遷中書令以疾免明帝征王敦以恢為

侍中討王含有功進今封以先爵賜次子鱣為關內侯成帝初卒子

麒麟位至散騎常侍

祝阿縣屬濟南子邵續魏郡安陽人父乘散騎侍郎續朴素有志烈博覽

經史善談禮義初為成都王穎參軍除沁水令時天下漸亂續去縣

還家糾合亡命得數百人王浚假續樂陵太守屯厭次石勒既破浚遺使招續續權附之既而段匹磾遣書要續俱歸元帝元帝以爲平北將軍冀州刺史封後爲石虎所獲不屈死之

右元帝時封凡縣公二人縣侯六人

二進鄉侯一人亭侯六人

二進封公一人縣侯一人亭侯一人其後封

而今隨父見者縣公一人縣侯四人鄉侯二人亭侯三人伯一人

子一人男三人

始安郡忠武公溫嶠太原祁人大陵縣公羨弟之子也父憺河東太守嶠性聰敏有識量博學能屬文年十七州郡辟召皆不就司隸命爲都官從事後舉秀才補上黨潞令劉琨請爲參軍累遷左長史元帝初鎮江左劉琨遣嶠奉表勸進屢求反命不許會琨爲段匹磾所

除散騎侍郎明帝卽位歷遷中書令甚爲王敦所忌請爲左司馬王敦謀逆嶠謬說敦得補丹陽尹因還都具奏其謀討敦平之封建寧縣開國公進號前將軍咸和初爲江州都督鎮武昌蘇峻之反進驃騎開府與陶侃討賊滅之進今封邑三千戶加散騎常侍卒年四十二子放之嗣官至交州刺史卒

新建縣屬臨川侯溫式之嶠次子封位至散騎常侍

南昌縣屬豫章文成公郁鑒高平金鄉人漢御史大夫慮之玄孫也少孤

貧博覽經籍躬耕吟咏以儒雅著趙王倫辟爲掾稱疾去職及惠帝復辟參司空軍事京師西復沒鑿逃歸鄉里州人共推鑿爲主與千餘家俱避難於魯之嶧山元帝初鎮江左承制假兖州刺史鎮鄒山加都督永昌中徵拜尚書明帝卽位拜安西將軍揚州都督鎮合肥

王敦忌之表為尚書令鑒遂與帝謀滅敦事平封高平侯移鎮廣陵咸和初進侍中與陶侃等討平蘇峻進今封以先爵封其子進位太尉卒年七十一子文穆公愔嗣歷拜司空太元九年卒年七十二子超黨于桓温先愔卒超無子從弟儉之以子僧施嗣爵南昌公累遷丹陽尹劉毅鎮江陵請為校尉與毅俱為劉裕所誅國除

東安縣簡伯郗曇鑿次子以父功賜爵東安縣開國伯累遷北中

郎將徐兖都督卒子恢嗣累遷梁州刺史徵拜尚書為殷仲堪所

害子循嗣

邵陵郡屬公蘇峻長廣掖人父模安樂相峻少為書生有才學仕郡

主簿年十八舉孝廉永嘉之亂峻糾合鄉里得數千家結壘于本縣

眾推峻為主元帝聞之假峻安集將軍為曹嶷所逼汎海南渡廣陵

元帝以為淮寧內史王敦之逆峻率眾討破之又隨庾亮追破沈充

遷歷陽內史封食邑一千八百戶明帝崩庾亮執政徵峻為大司農

峻遂反攻陷臺城諸軍討誅之

泉陵縣屬公劉遐廣平易陽人性果毅便弓馬值天下大亂遐為塢

主壁河濟間遣使受元帝節度元帝令以為龍驤將軍下邳內史累

遷兖州刺史太寧初自彭城移屯泗口王含反遐與蘇峻俱赴京都

追合敗之事平以功封遷徐州刺史鎮淮陰咸和元年卒子擊嗣官

至散騎侍郎卒子舉嗣卒子遵之嗣卒子伯齡嗣宋年命國除世

平康縣侯虞預徵士喜之弟也年十二而孤少好學有文章初為縣

功曹太守庾琛命為主簿察孝廉不行以薦起為丞相參軍累遷秘

書丞著作郎咸和初從平王含封西鄉侯又預平蘇峻進今封遷散

騎常侍仍領著作以年老卒于家

萬寧縣屬涪陵簡男桓彝譙國龍亢人漢關内侯桓榮之九世孫也父顯

官至郎中彝少孤貧性通朗早獲盛名起家州主簿赴齊王冏義拜

騎都尉元帝為安東將軍版行送道令累遷吏部郎明帝將伐王敦

拜彝散騎常侍引參密謀及敦平以功封遷宣城内史蘇峻之亂兵

敗死之子貞男雲嗣歷江州刺史西陽太守升平四年卒子序嗣官

至宣城内史

南郡宣武公桓温彝之長子選尚南康公立拜駙馬都尉嗣爵萬

寧縣男累遷荆州刺史永和二年以帥師平蜀功進封臨賀郡公

又帥師北伐進征大都督破姚襄走之遂入洛陽修復陵寢而還

升平中改今封降臨賀為縣公以封其次子濟隆和一年加侍中

大司馬都督中外諸軍事移鎮姑熟太和四年温又北伐大敗于

枋頭而還乃廢帝奔而立簡文進位丞相增邑萬戶孝武即位温

諷加九錫未成而卒子玄嗣累遷七州都督丞相太尉元興二年

墓位伏誅

臨賀縣公桓韻温第三子嗣父初封

西昌縣屬廬陵侯桓偉温第五子歷都尉荆州刺史封

豐城縣屬豫章宣穆公桓冲彝第五子諸兄弟中最淹識有武幹兄温

甚器之從温征伐有功遷督荆州等七郡軍事鎮襄陽又從温破

姚襄反虜周成封太元中累遷中軍將軍荆江都督鎮江陵使兄

子石堅伐符堅襄陽太守閻震擒之十九年卒子靖公嗣嗣歷江

州刺史卒子胤嗣歷中書令玄墓位為吏部尚書隨玄西奔玄死

歸降詔以冲故宥之及殷仲文等反欲立胤為玄嗣事覺伏誅

寧都縣侯桓謙冲第二子初以父功封宜陽縣開國侯累遷荆

州都督玄既用事以謙為尚書令改今封玄慕位復領揚州刺

史玄誅謙奔姚興復與譙縱反劉道規破斬之

作唐縣侯桓石處彞第三子豁之子也從叔父征伐累功冠軍將

軍豫州刺史太元十三年卒論平閻震功追封第三子証嗣

右明帝時封凡郡公一人縣公二人其一進封郡公縣侯二人一進封公男一

人又隨父郡公一人縣侯四人男一人

州陵縣屬南郡侯毛寶榮陽武人王敦以為臨湘令敦卒為温嶠平南參

軍從嶠討蘇峻平之以功封州陵縣開國侯千六百戶累遷豫州刺

史鎮和城為石虎所陷寶出赴江溺死升平三年詔復本封子穆之

嗣後為桓温參軍從温平蜀入洛升平初遷寧州刺史以桓温封南

郡徙穆之為建安侯累歷諸鎮後以益州刺史代符堅至巴東病卒

謚曰烈子珍嗣位至天門太守凡三世

歸鄉公毛璩穆之次子弱冠為桓豁參軍累功遷益州刺史桓玄

篡位璩不受玄命率兵討之玄敗死安帝復辟進征西將軍都督

益涼五州軍事譙縱反與蜀人共攻璩害之并子姪在蜀者一時

殄沒義熙中論討桓玄功追封邑千五百戶子弘之嗣

夷道縣屬宜都侯毛祐之璩兄球之孫與璩子修之共斬桓玄義熙中

封

平都縣屬安成子毛安之璩弟瑾之子瑾為征虜將軍梁秦二州刺史

安之亦有武幹累遷游擊將軍督城門諸軍事孝武即位妖賊盧

棟突入殿廷安之討滅之拜右衛將軍子潭及泰俱為會稽王父子所昵乃追論安之討盧棟勲封卒子以潭嗣爵

本史傳曰自寶至璩三葉擁旄開國者四人將帥之家與尋陽周氏為輩而人物不及也

豐城縣

侯羊鑒太山人父濟匈奴中郎將鑒為東陽太守累遷太子

左衛率計徐龍敗績元帝以鑒太妃外屬免死除名久之為少府成帝即位豫討蘇峻以功封徙光祿勳卒

武興縣

魏侯范汪雍州刺史畧之孫也父稚早卒汪少孤貧六歲過

江依外家新野庾氏王澄見而奇之曰與范族者必是子也及長好學布衣蔬食然薪寫書寫畢讀誦亦遍蘇峻之亂汪乃逃遁西歸温

嶠訪之納其言討平蘇峻封都鄉侯復為庾亮平西參軍從討郭默改封亭侯辟司空掾除宛陵令累遷桓温安西長史從温平蜀進今

封歷拜安北將軍徐兖都督卒長子康嗣早卒

陽遂鄉侯范甯汪次子少篤學解褐為餘杭令崇學敦教風化大行遷臨淮太守封微拜中書侍郎卒

都亭侯范堅汪叔博學善屬文永嘉中避難江東拜撫軍參軍討蘇峻功封累遷尚書左丞卒

都鄉文穆侯何充廬江鬻人魏光祿大夫禎之曾孫也祖暉豫州刺史父獻安禮太守充風韻淹雅文義見稱初辟大將軍王敦掾累遷

給事黃門侍郎蘇峻之亂充奔義軍賊平封歷拜中書監錄尚書事永和二年卒無子弟子放嗣父無子又以兄孫松嗣位至驃騎參軍

長合鄉恭侯袁瓌魏郎中令煥之曾孫也祖父並早卒瓌奉母避亂

至江都因南渡元帝以爲丹楊令累遷臨川太守自解還都游於會稽蘇峻之亂與王含共舉義軍以功封歷拜散騎常侍告老卒子喬嗣

湘西縣屬衡陽簡伯表喬瓌子初嗣父爵爲桓溫司馬從溫平蜀進號龍驤將軍封卒子方平嗣歷琅邪太守卒子山松嗣歷吳郡太守死孫恩之難

秭歸縣屬鄱陽靖伯顧衆吳郡吳人驃騎將軍榮之族弟也父祕交州刺史有文武才幹衆出後伯父元帝爲鎮東將軍命爲參軍以討華軼功封東鄉侯率衆往交州迎喪還徵拜駙馬都尉累遷鄱陽太守王敦之逆衆不爲屈敦平遷義興太守蘇峻之亂衆還吳舉義討賊事平以功封歷拜尚書僕射永和二年卒長子昌嗣爲建康令

長平縣穆伯褚裒太傅裒之從父兄也父顧少知名早卒裒以才藝楨幹稱襲爵關內侯累遷太傅參軍永嘉之亂遂東渡江元帝以爲淮南內史成帝初歷拜侍中以拒蘇峻功封加至尚書左僕射散騎常侍咸康七年卒子希嗣官至豫章太守

永安縣簡伯丁潭會稽山陰人祖固吳司徒父彌梁州刺史潭爲郡功曹察孝廉除郎中累遷散騎常侍侍中蘇峻之亂以扈從功封康帝初以光祿大夫還第卒年八十

康樂縣屬豫章威伯陶回丹陽人祖基吳交州刺史父杭太子中庶子回辟王敦大將軍府參軍敦死王導引爲司馬蘇峻之亂王師敗績回還本縣收合義軍與陶侃等并力攻峻又別破韓見以功封咸和二

宜城縣屬襄陽伯鄧徽陳郡人少有將帥才畧為王敦參軍王含反徽從

含領兵向京師及含敗徽與周撫俱奔蠻王後遇赦與撫俱出久之

王導命為從事中郎遷西陽太守豫平蘇峻及討平郭默功封咸康

三年累遷廣州刺史平南將軍卒子遐嗣歷冠軍將軍

豐城縣子劉胤東萊掖人漢齊悼惠王肥之後也交結時豪名著海

岱舉賢良避司空掾並不就避地遼東幽州刺史王浚表為渤海太

守浚敗轉依冀州刺史邵續因勸續歸奉元帝續遂遣之既至元帝

命為丞相參軍累遷散騎常侍豫平蘇峻以功封代溫嶠為江州都

督為郭默所害子一松嗣

濟陽縣男謚文穆蔡謨陳留孝城人世為著姓曾祖睦魏尚書祖惠

樂平太守父克為車騎從事中郎為汲桑所害謨弱冠察孝廉州辟

從事舉秀才皆不就避難渡江元帝辟為參軍累遷吳國內史以起

義兵平蘇峻功封歷拜太傅太尉司空徐充都督太元十二年卒

年七十六

竟陵縣男桓宣譙國鉅人祖訓義陽太守父弼冠軍長史宣初為

元帝丞相舍人累遷譙國內史祖約與蘇峻俱反宣距約不與之同

因投溫嶠累遷武昌太守後代庾亮為司州都督鎮襄陽以前後功

封庾翼令伐石虎而敗貶為南郡太守宣不得志發憤卒

永修縣烈侯桓伊宣族子父景有當世才幹仕至侍中丹陽尹封

長社侯伊有武幹頗參諸府軍事累遷歷陽太守與謝玄共破賊

別將王鑿張蚝等以功封宣城縣子進豫州都督從破符堅於淝

水以功進今封歷拜護軍將軍卒子肅之嗣卒子稜嗣宋篡位國

除

右成帝時封凡縣侯三人鄉侯三人伯五人子一人男二人隨父
縣公二人侯四人伯一人子一人

吳昌縣侯孫盛太原中都人祖楚馮翊太守父恂潁川太守恂在郡
遇賊被害盛年十歲避難渡江及長博學善言名理起家佐著作郎
累遷桓溫安西參軍從溫平蜀封安懷縣侯從入甲平洛以功進今
封出補長沙太守累遷秘書監加給事中卒年七十二

襄平縣子朱序義陽人父熹為益州刺史序世為名將累遷鷹揚將
軍江夏相興寧末梁州刺史司馬勲反桓溫表序為征討都護往討
之以功拜征虜將軍封寧康初為梁州刺史鎮襄陽符堅攻陷襄陽
序沒於堅太元中堅南侵遣序說謝石序以敵情告石石遂破堅序
得歸國累遷豫州刺史太元十八年卒

右康帝以後封縣侯一人子一人

廬陵郡文靖公謝安陳國陽夏人咸康侯謝尚從弟也父裒太常卿
安年四歲桓彝見而歎曰此兒當不減王東海少有重名初辟司徒
府除佐著作郎並以疾辭寓居會稽有司奏安被召歷年不至禁錮
終身遂棲遲東土及弟黜廢安始有仕進志年已四十餘矣桓溫
請為司馬累遷吏部尚書中護軍簡文帝崩安以顧命輔政桓溫欲
加九錫安緩其事錫命遂寢溫卒安進中書監錄尚書事太元中符
堅頻歲入寇安遣弟石及兄子玄等征討所在克捷拜衛將軍封建
昌縣公淝水之捷進拜太保時會稽王道子專權安出鎮新城以避
之尋卒年六十六以平符堅勳進今封子瑤嗣官至琅邪王友早卒

子該嗣終東陽太守無子弟光祿勳模以子承伯嗣有罪國除劉裕以安勲德濟世更封該弟澹為柴桑侯邑千戶奉安祀元熙中為光祿大夫兼太保持節奉冊禪宋凡四世

望蔡

縣屬豫章

忠肅公謝琰安子累遷侍中符堅之役安以琰有軍國

才出為輔國將軍與從兄玄共破堅以勲封孫恩之亂以會稽內史為賊所敗與二子肇峻俱被害少子混嗣歷中書令尚書左僕射劉裕用事混以黨劉毅誅國除

建昌

縣屬豫章

侯謝峻琰中子以琰勲封後并沒於賊

康樂

縣

獻武公謝玄安兄弈之子弈為安西將軍豫州都督卒玄

少為安所器重及長有經國才畧屢辟不起桓温辟為掾轉南郡相符堅入寇安乃以玄應舉拜兖州刺史屢以戰功封東興縣侯及符堅自將入寇玄為前鋒都督逆擊堅于淝水大敗之進號前將軍復率眾北伐克青司豫皆平加都督七州軍事封鎮彭城後以疾自陳授會稽內史十三年卒子

豫寧

縣

伯謝玩玄兄子玄封康樂公請以先封東興侯賜玩詔聽

之更封玩豫寧伯

南南郡襄公謝石安弟初拜秘書郎累遷尚書僕射征句難以勲封興平縣伯淮淝之後為大都督與兄子玄琰等共破符堅遷尚書今進今封進位開府儀同三司卒子汪嗣早卒汪從兄冲以子明慧嗣為孫恩所害明慧從兄喻復以子嵩嗣宋革命國除
廣信縣侯戴遠處士逵之弟逵厲操山東而還以武勇顯從謝玄征伐以功封

武岡縣男劉牢之彭城人曾祖羲以善射事武帝歷北地鴈門太守父建有武幹為征虜將軍世以勇壯稱太元初謝玄北鎮廣陵牢之以驍猛應選為參軍累遷龍驤將軍彭城内史以淮淝之功封食邑五百戶桓玄之逆牢之進位七州都督徙鎮京口遂令于敬宣降玄玄以為會稽太守牢之乃謀拒玄佐更多散走牢之自縊而死及劉裕起義追復牢之官爵于敬宣嗣

右孝武時封凡郡公二人縣公一人

南平郡公劉毅彭城沛人曾祖距廣陵相叔父鎮左光祿大夫毅少有大志不修家人產業仕為州從事桓弘以為中兵參軍屬桓玄篡位毅與劉裕何無忌等起義討玄毅及玄戰于崢嶸州大敗走之玄死討其餘黨悉平之安帝復辟以匡復功封進拜衛將軍開府儀同三司荊州都督劉裕以毅貳于已乃率眾攻之毅自縊斬于市子姪皆為裕所誅

新淦

縣屬豫章

公諸葛長民琅邪陽郡人有文武幹用然不持行檢無鄉

曲之譽桓玄引為參軍尋以貪刻免及劉裕建義與之定謀從裕討玄以功拜宣城内史又破桓歆于芍陵以功封食邑二千五百戶累遷豫州都督及劉裕征劉毅以長民監太尉留府事毅死長民謀欲為亂為裕所殺二弟并誅

安成郡忠肅公何無忌東海剡人少有大志忠亮任氣州辟從事轉大學博士劉牢之即其舅也牢之鎮京口每有大事常與參議之時劉裕為牢之參軍與無忌素相親結及桓玄篡位共害之遂舉義京口討平桓玄安帝復辟拜右將軍江州都督以匡復功封安成郡開

國公食邑三千戶義熙二年以討盧循戰没子邕嗣

曲阿縣屬公檀憑之高平人少有志力關門邕肅為世所稱數為諸

府參軍領東莞太守與劉裕有舊義兵起憑之與劉毅同赴裕以為

建武將軍戰敗為桓玄軍所害義熙初追封邑三千戶

江陵縣屬桓公魏詠之任城人家世貧素而躬耕為事好學不倦初

為州主簿早與劉裕遊款及桓玄篡位協贊義謀玄敗授豫州刺史

桓謙寇歷陽詠之擊走之遷荊州都督尋卒追封食邑二千五百戶

樂成縣屬侯何廣東莞姑幕人

通考曰宋武帝受禪之初詔晉氏封爵當隨運改獨置始興廬陵

始安長沙康樂五公降始興公為縣公廬陵公為柴桑縣公始安

公為荔浦縣侯長沙公為醴陵縣侯康樂公即降為侯以奉三導

謝安溫嶠陶侃謝玄之祀

外戚諸侯章

甘露亭侯羊琇景皇后之從父弟也父耽官至太常兄瑾尚書右

僕射琇少舉郡計參鎮西鍾會軍事從平蜀及會謀反琇正言苦諫

還賜爵關內侯武帝為撫軍命琇參軍事帝嗣王位後擢琇為左衛

將軍封受禪後累遷散騎常侍

興晉縣公羊玄之惠皇后之父也父瑾尚書右僕射玄之初為尚書

郎以后父封興晉侯累遷尚書右僕射加侍中進爵為公成都王穎

起兵玄之以憂卒

安壽亭侯王虔文皇后之弟也父肅魏簡亭侯詳魏虔以功幹見稱

累遷衛尉封轉尚書卒子士文嗣歷右衛將軍為劉聰所害

山都縣屬襄陽醜公王愷虞弟少有才力以討楊駿功封邑千八百戶累

遷後將軍

臨晉縣侯楊駿弘農華陰人武皇后之父也少以王官為高陸令驍

騎鎮軍二府司馬後以後父超居重位自鎮軍將軍遷車騎將軍封

惠帝即位進太傅大都督錄朝政永熙二年為賈后所殺

本傳曰駿以後父封臨晉侯識者議之曰夫封建所以藩屏王室

也后妃所以供粢盛弘內教也后父始封而以臨晉為侯兆於亂

矣

冠軍縣烈侯郭章太原人賈后從舅也與賈充素相親遇充妻待彰

若同生歷散騎常侍尚書衛將軍封及賈后專朝彰豫參權勢世人

稱為賈郭

平山縣侯虞豫元皇后父也早卒明帝即位追封子胤嗣累遷散騎

常侍左遷琅邪廬陵太守咸康元年卒子洪嗣

都鄉亭元穆侯褚裒康皇后父也祖裒有局量以幹用稱嘗為縣吏

家貧辭去年五十羊祐與裒有舊言于武帝始被用官至安東將軍

豫平蘇峻以功封累遷尚書令永和五年卒

晉興縣屬鄱陽侯何準穆皇后父也早卒升平元年追封


建昌縣屬豫章侯王蘊孝武定皇后父也父濛司徒左長史託家佐著作

郎定后立以後父遷武兵尚書封累遷散騎常侍會稽內史太元九

年卒

恩澤侯章

鄆城縣定公曹志魏陳思王植之子也少嗣父封武帝受禪降封



西鄂縣烈侯羅憲襄陽人父蒙蜀廣漢太守憲年十三能屬文早知名仕蜀為太子舍人累遷巴東太守蜀亡乃以郡降泰始六年卒追封謚

武當縣屬順陽忠侯騰修南陽西鄂人仕吳為將帥封西鄂侯孫皓時為

鎮南將軍廣州牧晉師伐吳修帥眾赴難至巴丘而皓已降乃與諸

部送印綬降封廣州牧如故太康九年卒孫含為庾水長史以討蘇

峻功封夏陽侯

宛陵縣屬宣城侯陶璜丹陽秣陵人父基吳交州刺史璜仕吳歷拜前將

軍交州牧吳主皓既降乃遣使送印綬詣洛陽詔復本任封凡在州

三十餘年卒

偽命王侯章附

陳留王劉歡樂劉淵宗族淵僭號封

西昌王銳以下並淵族封

濟南王驥歷大司馬粲誅之

吳王逞驥弟為車騎大將軍誅

齊王勵歷大司徒粲誅之

昌國公顗歷太師誅

齊王裕

魯王隆

北海王乂淵子封聰立為皇太后殺之

河間王易

彭城王翼

高平王悝

會稽王衷

長樂王襲

太原王闡

淮南王冲

齊王敞

魯王高

楚王徽

臨海王儉曜子封

南陽王胤曜子封後立為世子斬準之亂沒於郁鞠部後歸曜為石

勒所禽胤自立於上邽

中山王岳曜族子初封廣平王進封中山歷征東大將軍

汝南王咸曜時封歷太尉錄尚書事

右前趙劉氏諸王

河東王石生勒族子封以討石虎敗死

彭城王堪勒之子勒時封後以謀誅石虎敗死

秦王宏勒子封勒卒嗣立虎廢為海陽王而自立尋弒之

南陽王恢勒幼子封虎弒立并殺之

齊王邃虎子勒僭號封虎弒立立為太子以罪廢為庶人殺之

河間王宣虎子弘時封虎弒立邃誅立為太子以殺弟韜伏誅

梁王挺

樂安王韜弘時封虎時降為公韜殺之

齊王遵弘時封虎降彭城公尋進封王後弒遵自立鑿弒之

燕王斌虎子勒時封太原王弘時徙章武虎時進封燕後為張豺所

殺

樂平王苞

譙王世虎子初封齊公立為太子虎卒嗣立遵廢之而自立

義陽王鑿虎子弘時封代王虎降為義陽公尋進封王後弒鑿自立

冉閔弒之

右後趙石氏諸王

建寧王李越雄子封後為壽所殺

漢王廣壽子封後為勢所殺

右成李氏諸王

太原王慕容恪雋第三子

楷恪子垂時復封

濟北王泓雋子

中山王冲

秦王評皝子

高陽王隆

遼西王農

趙王麟

開封公詳

桂林王鎮

丹陽王瓚

清河王會寶子

平原公元盛子

樂浪王宙

高陽王崇

樂陽侯獲封免同前

平城前見隆侯邑同前封傳節侯珍至侯理免

密鄉闕頃侯林同前封傳孝侯欽至侯敞免

樂都前見煬侯訢同前封傳繆侯臨至侯延年免

右膠東頃王子侯者十人

陵石闕侯慶成帝鴻嘉四年四月封二十五年免

臨安闕侯閔末始四年五月封二十一年免

徐鄉地在齊侯映元延元年二月封二十一年王莽建國元年坐舉兵

欲誅莽死

堂鄉闕哀侯恢綏和二年五月封三年卒後國除

右膠東共王子侯者四人

松茲地名見前戴侯霸昭帝始元五年六月封二十二年卒子共侯始以

神爵二年嗣傳頃侯綰至侯均恭時絕凡四世

右六安共王子侯者一人

富陽闕侯賜宣帝元康二年五月封八百戶二十八年建昭二年坐

上書歸印綬免國除

右六安夷王子侯者一人

博鄉闕節侯交元帝竟寧元年四月封卒子就嗣免

右六安繆王子侯者一人

庸鄉見前侯舉成帝綏和三年七月封十五年免

右六安頃王子侯者一人

遠鄉地在第侯宣宣帝元康四年三月封二年卒後國除

右真定烈王子侯者一人

信昌闕侯廣平帝元始五年閏月封四年免

右真定共王子侯者一人

于鄉地在東海節侯定元帝永光三年三月封卒子聖嗣免

就鄉地在東海就鄉節侯瑋同前封七年卒後國除

右泗水勤王子侯者二人

昌陽見前侯霸成帝永始四年五月封二十一年免

右泗水侯王子侯者一人

安定地在鉅鹿侯侯賢宣帝本始元年七月封卒子頃侯延年嗣卒子良

嗣免

新昌地在涿郡節侯慶本始四年五月封卒子頃侯穰嗣卒子哀侯未央

嗣卒亾後元延元年復以未央弟釐侯嫺紹封卒子普嗣免凡四世五侯

右燕刺王子侯者二人

臨鄉地在涿郡頃侯雲元帝初元五年六月封卒子交嗣免

西鄉涿頃侯容同前封卒子景嗣免

陽鄉涿思侯發同前封卒子度嗣免

益昌涿頃侯嬰永光三年三月封卒子共侯政嗣子福嗣免

右廣陽頃王子侯者四人

方樂闕侯嘉哀帝元壽元年五月封十一年免

方城闕侯宣平帝元始二年四月封七年免

右廣陽繆王子侯者二人

崑山公歸超兄 興樂公頽超叔父

北地王精

右燕慕容氏諸王

武都王苻安苻洪之族

晉王柳洪之孫健僭號封歷車騎大將軍尚書令

廣平王黃眉健時封後以謀殺生而自立事發伏誅

東海王雄洪之季子健僭號以佐命元勳封卒子堅嗣後篡立

清河哀王法雄之庶長子健封堅弒立殺之封其子陽東海公敷清

河公

新興王飛

陽平哀公融堅弟歷征南大將軍伐晉敗死



河南公雙

平原公暉堅子歷都督諸軍車騎大將軍

廣平公熙鎮東大將軍

鉅鹿公睿歷都督諸軍衛大將軍與慕容冲戰敗被殺

河間公琳堅 子歷中軍大將軍

重合侯謨堅封侯不進封 高邑侯亮堅封侯不進封

阜城侯定堅封侯不進封 固安侯鑒

中山公詵

魯王纂堅封魏昌公不封東海王登進封

樂安男朗堅從兄子封為青州刺史降於晉被殺

太子寧丕子

長樂王壽

渤海王懿

濟北王昶

魯王纂堅從子封魏昌公不立進封東海王登立進封魯

朔方公師奴纂弟登嗣立封勸纂僭號不從乃殺纂自立為秦公南

安王升登子

北海王尚登子

汝陰王宗

右前秦符氏諸王公

東城侯延定襄之孫萇僭號追封襄魏武王封延定東城侯

魯公紹

晉王緒萇弟興時累封

隴西王碩德萇弟興時封

廣陵公欽權

齊公恢

廣平公弼興子

南陽公悛

初襄僭號未有封爵及興嗣立封其宗室靖等及功臣尹縉等為

王侯

右後秦姚氏諸王

西平其先國號

右前涼張氏

天水公延光弟

番禾公弘光子

巴西公他

隴西公縉

安定公超光弟寶之子

呂光僭號天王立子紹為太子諸子弟為公侯者二十人

右後涼呂氏諸公

張掖王保周

酒泉公覆龍

西平公破羌

永平公副周

昌松公承鉢

右南涼秃髮氏王公

和平侯伏奴蒙遜從兄

安平侯蒙遜弟

右北涼沮渠氏諸公

陽平公延

太原公昌

酒泉公倫

平原公定

河南公蒲

中山公安

右夏赫連氏諸公

遼西公素弗跋弟

常山公丕跋弟

城陽伯買跋九

高城伯曙跋從弟

上谷公乳陳跋從兄子

右北燕馮氏諸公

偽命功封章

前趙

鴈門公呼延翼

望都公靳陵

坐二殿不成斬

遼東烈愍公崔岳初為朝鮮令曜亡入朝鮮岳厚待之曜僭立追封

南郡公曹恂於屯厄中事曜有禮曜德之僭立時追封

平昌公劉綏初為太子洗馬曜德之僭立時追封

安昌子喬豫史闕其籍人曜時為侍中諫營壽陵封

安平侯王忠初為晉陽太守曜德之僭立時追封

河南公劉昶曜妻劉氏叔父封

後趙

石勒建國僭號論功封爵開國郡公二十一人侯二十四人縣

公二十六人侯二十二人

濮陽景侯張賓趙郡中丘人父瑤中山太守賓仗劍見勒為之謀主

成勒基業勒甚重之歷右長史封

附冉魏

齊王李農史闕其籍人初事石氏歷大司馬錄尚書事與冉閔共滅石氏

閔立封農齊王三子皆封為縣公尋皆為閔所誅

前秦

廣寧公魚遵

史闕其籍

人歷太師錄尚書事後

清河武侯王猛北海劇人家于魏郡少貧賤以鬻畚為業後隱於華陰山桓溫入關猛詰之談世務溫欲與俱還不從堅聞其名而招之及僭立授中書侍郎歷拜丞相以軍功封

後秦

初苻僭號未有封爵及興襲位封其宗族靖等及功臣尹緯齊難楊佛嵩等並為公侯其餘封爵名有差

清河忠成侯尹緯天水人少有大志不營生業符堅時不仕及姚萇之起緯與尹詳等推為盟主遂為佐命元功萇卒緯與興滅符登興僭號封歷尚書左僕射卒

成

西山侯范長生成都人

河南公景騫

燕

雋僭號署置百官封拜有差垂復立封功臣為侯伯子男者百餘人超襲位論宿豫功封斛穀提等並為郡縣公

范陽公劉寧

西河公庫辱官驥

後涼

武始侯杜進

史闕其籍

人初從光破西域還擒秦將梁熙光據姑臧封後

殺

金城侯楊桓呂纂妻父封

南涼

安亭侯景保

史明其籍

人僂儻時為太史令諫伐北涼封

北涼

振武侯秃髮文支南涼湟河太守據湟川降封

西秦

隴西公姚雋後秦將姚艾之叔也艾降熾盤復叛降蒙遜雋不從眾
逐艾推雋為主請降徵為侍中封邑一千戶

夏

河陽侯王買德前秦清河侯猛之孫初事後秦主興為鎮北秦軍後
奔勃勃為之謀主勃勃據長安以功封歷

北燕

陽平公孫護


永寧公張興

陳留公郭生

上黨公姚昭

廣宗公馬弗勤

潁川公王難



學海君道部卷之五十四 終

